



大事記解題卷第六



東萊呂祖謙伯恭

秦昭王五十二年

解題曰是歲秦既滅周故以秦年統諸國曹同六代  
論曰三代之君與天下共其民故天下同其憂秦王  
獨制其民故傾危而莫救先王知獨治之不能久也  
故與人共治之知獨守之不獨固也故與人共守之  
兼親疎而兩用參同異而並進是以輕重足以相鎮  
親疎足以相衛并兼路塞逆節不生及其衰也苞茅  
不貢齊師伐楚宋不城周晉戮其宰荆楚負固方城

雖心希九鼎而畏迫宗姬姦情散於宵懷逆謀消於唇吻反斯豈非信重親戚任用賢能枝葉碩茂根本

根賴之與暨乎戰國姬諸微矣至於王赧降為庶人

海內無主三十餘年前漢諸侯王表曰教極德盡既

位已絕於天下尚猶枝葉相持莫得居其虛位海內

無主三十餘年昭襄王卒孝文王立一年而卒莊襄王

立四年而卒子政立二十六年而乃并天下自號始

皇帝是為三十秦據形勝之地征伐關東蠶食九國

至於始皇乃定天位曠日若彼用力若此豈非深根

固蒂不拔之道乎呂不韋春秋成於始皇八年按呂氏春秋

秋維秦八年歲在涪灘秋甲子朔之日良人請問

十二紀此其書成之歲月也涪灘者申也通鑑皇極

經世始皇八年歲在壬戌後呂氏春秋二年其聽言

不韋當時人必不誤蓋後世美歷者之差也

篇曰今周室既滅而天子已絕莫大於無天子無天

子則彊者勝弱衆者暴寡以兵相殘不得休息今之

世當之矣然則始皇二十六年以前秦固未嘗敢稱

天子蓋海內無主之時也

王稽誅

解題曰范睢既相言於昭王曰非王稽之忠莫能內

臣於函谷關昭王召王稽拜河東守三歲不上計漢

守上計蓋秦制也凡郡常以春行所至縣勸民農桑

課殿最歲盡又任鄭安平昭王以為將軍安平降趙

遣吏上計

大事記解題卷六



應侯席藁請罪秦之法任人而所任不善者各以其罪罪之於是應侯罪當收三族秦昭王恐傷應侯之意乃下令國中有敢言鄭安平事者以其罪罪之而加賜相國應侯食物日益厚以順適其意後二歲王稽為河東守與諸侯通坐法誅徐廣曰昭王五十二年按戰國策秦攻邯鄲十七月不下莊謂王稽曰春何不賜軍吏乎王稽曰吾與王也不用人言莊曰君懷主輕下之日久矣三人成虎卜夫揉椎衆口所移毋翼而飛不如賜軍吏而禮之王稽不聽軍吏窮果惡王稽而反然則王稽之禍固非一日之積方秦圍邯鄲之時昭王固已入軍吏之譖而疑之矣稽假人之寵而虐其天下之淺人也其而應侯日益以不懌昭王臨朝歎息應侯進曰臣聞主憂臣辱主辱臣死今大王中朝而憂殺身宜哉

臣敢請其罪昭王曰吾聞楚之鐵劍利而倡優拙夫鐵劍利則士勇倡優拙則思慮遠夫以遠思慮而御勇士吾恐楚之圖秦也夫物不素具不可以應卒今武安君既死而鄭安平等畔內無良將而外多敵國吾是以憂欲以激勵應侯應侯懼不知所出蔡澤聞之往入秦

范雎免蔡澤為丞相

解題曰太史公序傳列秦將相曰鞅去衛適秦能明其術彊霸孝公後世遵其法天下患衡秦毋饜而蘓子能存諸侯約從以抑貪強六國既從親而張儀能



明其說復散解諸侯秦所以東攘諸侯樗里甘茂之策苞河山圍大梁使諸侯歛手而事秦者魏冉之功南拔鄢郢北推長平遂圍邯鄲武安為率破荆滅趙王翦之計至於范雎蔡澤獨曰能忍詢於魏齊而信威於強秦推賢讓位二子有之其辭與前教子異矣

### 西周民東亡

解題曰赧王既歿西周之邑其民不樂屬秦亡歸東周去年秦歸赧王於周使寄食舊國所謂西周君者亦使之同秦吏守故地焉今赧王既卒西周民又東

亡故降西周君為庶人而遷憲狐也自赧王降周統已絕東周雖未亡特邾莒附庸之類耳所以存之而未論也按蔡澤傳蔡澤為秦相東收周室然則遷西周君其蔡澤為相之日歟憲狐史記正義曰括地志云汝州外古梁城即憲狐聚

### 徐州

解題曰史記索隱曰按說文邾邾之下邑在魯東又郡國志魯國薛縣六國時曰徐州徐與邾並音舒史記正義曰徐州當此時屬魯故楚伐取也秦昭王五十三年楚齊韓燕趙皆來賓

解題曰按秦紀天下來賓魏後秦使摎伐魏取吳城  
史記正義曰廣城在陝州河北縣東北虞山之上亦名吳山周武王封弟虞仲於周之北吳城即北城也  
韓王入朝魏委國聽令蓋周亡而諸侯皆服於秦也

### 趙邯鄲膾焚

解題曰邯鄲國都也膾說文曰芻藁之藏也

### 秦昭王五十四年楚徙都鉅陽

解題曰事見年表按楚頃襄王徙都陳而始皇六年春申君用朱英策去陳徙壽春不云自鉅陽徙壽春也年表所載未可知今姑存之

### 雍

解題曰今鳳翔府天興縣

### 秦昭王五十五年平原君卒

解題曰按孔叢子子高以為趙平原君霸世之士惜不遇其時也其子子順以為衰世之好事公子無霸相之才也今以事考之則斌之品題實當穿特隨俗而不察耳穎濱蘓氏曰趙勝傾身下士以竊一時之聲可耳至於為國計慮勝不知也趙欲距燕有廉頗趙奢不能用而割地與齊以借田單知單之賢而不知其不為趙用也及韓馮亭以上黨嫁禍於趙趙豹明其不可而勝貪取之長平之禍成於勝一言此皆



貴公子不知務之禍也乃欲使之相危國拒強秦難矣哉

衛懷君朝魏魏殺之立其弟

解題曰懷君者嗣君之子也世家載魏囚殺懷君魏更立嗣君弟是為元君元君為魏壻故魏立之徐廣曰班氏云元君者懷君之弟則亦嗣君之子也兩說不同通鑑從徐氏按嗣君在位四十二年懷君在位二十一年使嗣君有弟尚存蓋亦八十餘矣徐氏之說是也

秦昭王五十六年追尊唐八子為唐太后與昭王合葬

解題曰唐八子孝文王之母也羊八子以昭王之母遂僭尊稱既失禮矣唐八子又加以合葬則又甚焉禮庶子為君為其母無服不敢貳尊者也自魯成風以來是禮廢矣於秦乎何誅

燕栗腹伐趙

解題曰延平陳氏曰燕使栗腹約懼於趙及而言趙之可伐其為使也可謂不周矣將渠見信於敵而其君不早信用急而後相之猶足以却趙師賢者之於國何如哉

趙以廉頗為假相國



解題曰假相國之名始於此後二年趙又有假相樂乘楚漢之際是名蓋紛紛矣所謂假者未必與聞國政特借國相之名以重其權而已

秦孝文王元年十月己亥王除喪即位赦罪人辛丑王薨

解題曰按本紀孝文王元年赦罪人修先王功臣褒厚親戚弛園囿孝文王除喪十月己亥即位三日辛

丑卒

聊城

解題曰史記正義云括地志云故聊城在博州聊城縣

魯仲連以書下之

解題曰穎濱蘓氏曰戰國游談之士非徒即衡說行交合而寵祿附之故士不厭詭詐爭走於利魯仲連辯過秦儀氣陵髡衍而從橫之利不入於口因事放言切中機會排難解紛如決潰堤不終日而成功逃避爵賞脫屣而去戰國一人而已矣

秦莊襄王元年大赦

解題曰按本紀莊襄王元年大赦罪人修先王功臣施德厚骨肉而布惠於民孝文王莊襄王元年皆有赦秦漢以後初即位肆赦蓋始於此至於修功臣厚

親戚布德惠則自古人君初政之所常行雖秦之暴不能廢也

遷東周君於陽人

解題曰按本紀東周君與諸侯謀秦秦使相國呂不

韋誅之盡入其國秦不絕其祀以陽人地賜周君奉

其祭祀史記正義云括地志云陽人在汝州梁縣西前漢地理志周地柳

七星張之分野也今之河南雒陽穀城平陰偃師鞏

緄氏是其分也初雒邑與宗周通封畿東西長而南

北短短長相覆為千里至襄王以河內賜晉文公又

為諸侯所侵故其分地小徐廣曰周比亡之時凡七

縣其縣名即星分野所載河南雒陽以下是也星經

出於戰國之末故舉當時東西周疆界以言之地理

志又謂周人之失巧偽趨利貴財賤義高富下貪喜

為商賈此亦其末流之敝耳

封呂不韋河南洛陽

解題曰割東西周之地以封之也

拔成臯滎陽初置三川郡

解題曰按本紀年表世家使蒙驁伐韓拔成臯滎陽

秦界至大梁初置三川郡所謂三川者河洛伊也三

川為郡則據天下之樞混一之勢成矣自惠王以來



禱祠而求者也成臯滎陽本東虢國穆天子傳云七萃之士生捕獸即獻天子天子畜之東虢則東虢蓋畿內諸侯也前漢地理志云成臯故虎牢亦名制左傳云制岩邑也虢叔死焉地理志注又云滎陽故虢國則成臯滎陽皆東虢地也周宣以後成臯今河陽汜水縣滎陽今鄭州滎陽縣披以封鄭至戰國地入於韓秦既滅東西周又取韓成臯滎陽合而為三川郡此郡之境即東都王畿之舊也在今為衛懷孟開封鄭河南汝陝虢拱之地滎陽成臯自春秋以來常為天下重地由秦而上晉楚於此而爭霸謂爭鄭也由秦而下楚漢於此而分雌雄天下既定七國淮南衡山之變猶睥睨此地而決成敗

馬東都以後言形勢其及之者鮮矣人事既改則地之輕重亦有時而移也

### 楚滅魯

解題曰魯姬姓武王封周公於少皞之虛曲阜周公不就封留佐武王子伯禽受封之魯是為魯公索隱曰周公之元子就封於魯次子留相王室代為周公其餘食小國者云人蔣凡邢茅胙祭也起魯公至頃公凡三十三世前漢地理志魯地奎婁之分壑也東至東海南有泗水至淮陰臨淮之下相睢陵僅取慮皆魯分也孔子曰齊一變至於魯魯一變至於道言近正也瀕洙泗之水其民涉渡幼者扶老而代



其任俗既益薄長老不自安與幼少相讓故曰魯道廢洙泗之間斬斬如也去聖久遠周公遺化銷微孔氏庠序衰壞地隄民衆頗有桑麻之業亡林澤之饒俗儉嗇愛財趨商賈好訾毀多巧偽喪祭之禮文備實寡然其好學猶愈於它俗

史記正義云徐廣云下一作下括地志云下邑

故城今宋州崑山縣是又云在兗州泗水縣東北臨泗水

秦莊襄王二年榆次新城

解題曰史記正義曰括地志云榆次并州縣即古榆次地也新城者朔州善陽縣西南狼孟在并州陽曲縣東北

魏趙攻燕

解題曰按趙世家延陵鈞率師從相國信平君助魏攻燕

楚徙封黃歇於吳

解題曰子重請取於申呂以為賞田申公巫臣曰不可此中呂所以邑也是以為賦以御北方若取之是無申呂也黃歇告於楚王淮北地邊齊其事急請以為郡便其說與申公巫臣同意則利吳之安且富耳

秦莊襄王三年

解題曰秦紀莊襄王有四年穎濱蕪氏曰秦紀多以

先王之末年為後王之元年當以年表為定今從之  
魏公子無忌率五國兵敗秦軍於河外

解題曰按本傳走蒙驁遂乘勝逐秦軍至函谷關抑  
秦兵秦兵不敢出當是時公子威振天下自戰國以  
來秦為諸侯所敗者獨孟嘗信陵兩戰耳一則名之  
正也一則將之賢也名以利敗賢以疑廢六國之亡  
安得責命於天哉

史記正義云括地志云高都故城  
今澤州是汲在衛州所理汲縣西  
南徐廣云汲一作  
汲汲縣亦在河內

龍兌汾門臨樂葛平舒

解題曰史記正義云龍兌在北新城兌音奪汾門在

易州北平縣臨樂在幽州固安縣葛在瀛州高陽縣

平舒在蔚州靈丘縣

五月丙午王薨子政立是為秦始皇帝國事皆委於呂  
不韋號稱仲父

解題曰按本紀當是之時秦地已并巴蜀漢中越宛  
有郢置南郡矣北收上郡以東有河東太原上黨郡  
東至滎陽滅二周置三川郡呂不韋為相招致賓客  
游士欲以并天下李斯為舍人蒙驁王齕庶公等為  
將軍王年少初即位委國事大臣

晉陽反



解題曰反而歸趙也

秦始皇帝政元年作鄭國渠

解題曰前漢溝洫志韓聞秦之好興事欲罷之無令

東伐乃使水工鄭國間說秦令鑿涇水自中山古曰

中讀為仲即九西邸瓠史記正義曰焦並北山東

變之東仲山也注洛史記正義曰洛則三百餘里欲以溉田中作而

覺秦欲殺鄭國鄭國曰始臣為間然渠成亦秦之利

也秦以為然卒使就渠於是閼中為沃野無凶年秦

以富强卒并諸侯因名曰鄭國渠始皇雖少而其謀

國者乃如此

魏公子無忌以毀廢

解題曰魏安釐王始畏公子之賢能不敢任以國政

魏趙唇齒國也秦圍邯鄲公子數請賓客辯士說王

萬端豈獨為其姊計哉及奪晉鄙軍以存趙則遂為

深讎矣雖迫於危亡不得已而復用公子然猜且闇

猶夫人也雖微秦間亦不可與共功矣

秦始皇帝二年趙以李伯為代郡守

解題曰按戰國策齊人李伯見孝成王王說之以為

代郡守而居無幾何人告之反孝成王方饋不墮食

不驚故食無幾何告者復至孝成王不應已乃使使



者言齊舉兵擊燕恐其以擊燕為名而以兵襲趙故發兵自備今燕齊已合臣請要其敝而地可多割自是之後為孝成王從事於外者無自疑於中者孝成王雖納上黨將趙括未得為明主然猶能用頗牧以持其國觀李伯之事則其能駕馭豪傑蓋有以也今附於孝成王薨之歲

趙李牧大破匈奴十餘萬騎單于奔走

解題曰按本傳李牧大破匈奴單于奔走其後十餘歲匈奴不敢近趙邊城悼襄王元年廉頗既亡入魏趙使牧攻燕拔武遂方城然則李牧之勝匈奴蓋在

孝成王之世今附見於孝成王薨之歲單于者君長之號前漢匈奴傳云單于廣大之貌也言其象天單于然也

繁陽

解題曰按前漢志屬魏郡應劭曰在繁水之陽

秦始皇帝三年大饑

解題曰秦紀所書蓋秦之地饑也

陽有說

解題曰陽音場蓋地名

秦始皇帝四年趙李牧伐燕拔武遂方城

解題曰年表世家皆書於今年李牧傳載於悼襄王  
元年今從年表世家

七月蝗疫令百姓內粟拜爵

解題曰入粟拜爵始於此

魏公子無忌卒

解題曰按本傳公子謝病不朝日夜為樂飲者四歲  
竟病酒而卒其歲魏安釐王亦薨秦聞公子死使蒙  
驁攻魏拔二十城初置東郡其後秦稍蠶食魏十八  
歲而虜魏王屠大梁高祖始微少時數聞公子賢及  
即天子位每過大梁常祠公子高祖十二年從擊黥

布還為公子置守家五冢世世歲以四時奉祠公子

秦始皇帝五年酸棗燕虛長平雍丘山陽東郡

解題曰裴駟曰陳留有酸棗縣汝南有長平縣陳留

有雍丘縣河內有山陽縣東郡今為博濮大名滑開

德之地史記正義云燕虛在濮州雷澤縣東

趙龐煖取燕軍殺劇辛

解題曰燕昭王之招賢者也劇辛自趙往蓋燕之舊

臣也辛與龐煖舊交易之而反為所殺不知辛之不

察與或者煖之才略有進不可以故意待之也然則

人豈易知哉



會盟于魯柯

解題曰戰國末猶有會盟故特著之

秦始皇帝六年楚魏韓趙燕衛合從來伐為我所敗

解題曰秦本紀書韓魏趙衛楚共擊秦取壽陵史記正義

云徐廣云秦出兵五國兵罷而趙世家云龐煖將趙

在常山楚魏燕之銳師攻秦蕞不拔移攻齊取饒安則燕亦

同伐奉非止五國也齊自君王后以來事秦不與諸

侯同伐是以諸侯歸師移兵攻之且以償兵費也徐

廣曰蕞在新豐饒安在渤海或云饒屬北海安屬平

原春申君傳稱至函谷關秦出兵攻諸侯兵皆敗走

朝歌

解題曰史記正義曰括地志云在衛州縣西本妹邑

殷都也

徙衛於野王

解題曰衛世家載於後二年非也今從年表魏楚世

家史記正義云野王懷州城也

楚徙都壽春命曰郢

解題曰楚都所至命曰郢猶晉都所至命曰絳也壽

春今壽州壽春縣

楚考烈王納黃歇妾生子悍



解題曰春申君傳載此於徙都之後今從之李園女弟說春申君曰君相楚二十餘年而幽王又有弟郝則春申君納女必在考烈王未薨數年前正當此時也秦始皇帝七年彗星見

解題曰按本紀彗星先出東方見北方五月見西方夏太后薨

解題曰莊襄王母也

秦始皇帝八年王弟長安君成蟜將兵擊趙而反

解題曰顏師古曰本使長安君擊趙至屯留而謀反作亂故賜長安君死斬其軍吏遷其黔首也屯留上黨縣也臨洮即今之洮州也按本紀下文將軍壁死

卒屯留蒲鶒反戮其屍司馬貞徐廣謂成蟜為將軍而反秦軍擊之而成蟜壁於屯留而死士卒為成蟜戰死者皆戮其屍然則成蟜據邑而反戰不勝而死耳

河魚大上

解題曰按本紀河魚大上輕車重馬東就食索隱曰往河旁也前漢五行志曰劉向以為近魚孽也逆流而上也

封嫪毐為長信侯

解題曰按本紀嫪毐封為長信侯予之山陽地令毒

居之宮室車馬衣服苑囿馳獵恣毒事無小大皆決於毒又以河西太原郡更為毒國音倚亥反戰國策曰秦攻魏急或謂魏王曰秦自四境之內執法以下至於長輓者曰與嫪氏乎與呂氏乎雖至於閭門之下廊廟之上猶之如是也今王割地以賂秦以為嫪毒功卑體以尊秦以因嫪毒王以國贊嫪毒以嫪毒勝矣王以國贊嫪氏太后之德王也深於骨髓王之交最為天下上矣今由嫪毒氏善秦而交為天下上天下孰不棄呂氏而從嫪氏天下必棄呂氏而從嫪氏則王之怨報矣嫪呂爭權畧見於此孔叢子載此

說以為子順之策子順相魏進退有聖賢之風寧忍出此乎

韓以韓玘為相

解題曰李斯上二世書曰趙高兼行田常子罕之逆道而劫陛下之威信其志若韓玘為韓安相也然則韓之滅蓋由相玘今載於韓王安即位之年

秦始皇帝九年垣蒲陽衍

解題曰史記正義曰括地志云垣在絳州垣縣西北蒲邑在隰州隰川縣南蒲水之北衍在鄭州

王冠帶劔



王解題曰始皇年二十一帶劍秦俗也

嫪毐作亂夷三族

解題曰按呂不韋傳秦紀有告嫪毐實非宦者毒聞之秦王驗左右未發秦王之雍郊毒恐禍起乃與其黨謀矯王御璽及太后璽以發縣卒及衛卒官騎戎翟君公舍人將秦之兵制駱見於此縣卒一也衛卒也官騎三也戎翟四也舍人五也秦國太后用事故太后璽亦可發兵欲攻斬年宮為亂地理志斬年宮在雍王知之令相國昌平君昌文君發卒攻毒戰陽咸斬首數百皆拜爵及宦者皆在戰中亦拜爵一級亦者秦之官者本無拜爵之法毒等敗走即令國中有生得毒賜錢百萬殺之

五十萬追斬毒於好畤其黨衛尉竭內史肆佐弋竭

中大夫令齊等衛尉內史之名始見於此魏有中大夫須賈則非獨秦有之也漢書百官

表曰秦時少府有佐弋漢武帝改為伏飛掌弋射者二十人皆梟首車裂以徇

滅其宗及其舍人輕者為鬼薪應劭曰取薪給宗廟為鬼薪也如淳曰律

說鬼薪及奪爵遷蜀又輕者乃四千餘家家房陵餘

見通鑑

秦始皇帝十年逐客

解題曰李斯傳云韓人鄭國來間秦作渠而覺秦宗室大臣請一切逐客方是時呂不韋專國不韋亦客也孰有敢言逐客者乎本紀載於呂不韋免相之後

得之矣

齊王趙王來置酒

解題曰凡諸侯相朝主國設饗燕以禮之未有賓客  
反置酒者蓋齊趙畏秦極其諂而然也齊世家書王  
入朝秦秦王政置酒咸陽然則秦亦置酒以報之歟  
用茅焦諫迎太后于雍

解題曰按本紀齊人茅焦說秦王曰秦方以天下為  
事而大王有遷母太后之名恐諸侯聞之由此倍秦  
也秦王乃迎太后於雍而入咸陽復居甘泉宮徐廣曰咸陽南宮也說苑所載其辭多浮夸且未見所以動始皇者

本紀所書簡而實矣戰國策載頓弱面詆始皇不孝  
始皇勃然而怒頓弱告以山東戰國有六威不掩於  
山東而掩於母始皇乃霽怒問戰國可兼之計然則  
始皇所重者獨兼并諸侯耳茅焦所以能復太后者  
特以諸侯倍秦恐之非能以母子天性感悟之也  
以尉繚為國尉

解題曰按本紀大梁人尉繚來說秦王曰以秦之強  
諸侯譬如郡縣之君臣但恐諸侯合從翕而出不意  
此乃智伯夫差湣王之所以亡也願大王毋愛財物  
賂其豪臣以亂其謀不過亡三十萬金則諸侯可盡



秦王從其計見尉繚亢禮衣服食飲與繚同繚曰秦王為人蜂準長目摯鳥膺豺聲少恩而虎狼居心約易出人下得志亦輕食人我布衣然見我常身自下我誠使秦王得志於天下天下皆為虜矣不可與久游乃亡去秦王覺固止以為秦國尉卒用其計策而李斯用事尉繚之策大略與李斯同不過以金啗之耳前此范雎之散合從戰國策云天下之士合從相聚而攻秦者以已有富貴耳天下之士非有怨也相起者起行者行止者止母相與聞者投之一骨輕起相牙者何則有爭意也於是使唐雎載音樂予之五千金居武安高會相與飲謂邯鄲人誰來取者於是其謀者固未可得予也其可得予者與之昆弟矣公

與秦計功者不問金之所之金盡者功多矣今令人復載五千金隨公唐雎行至武安散不能三千金天不之士大後此陳平之間項羽能出捐數萬斤金行相與鬪矣後此陳平之間項羽能出捐數萬斤金行反間項王信諛必內相誅漢王以為然乃同出一術出黃金四萬斤予平恣所為不問出入乃同出一術蓋亂世風俗貪鄙故此術每用每中有言禮義廉耻於多事之際必競以為迂闊不知撥亂之策莫要於此為人上者盍亦少思哉

秦始皇帝十一年燕狸陽

解題曰史記正義云按燕無狸陽疑字誤當作漁陽

趙廢太子嘉

解題曰按趙世家太史公曰吾聞馮王孫曰趙王遷

其母倡也廢於悼襄王廢適子嘉而立遷上素無行  
信諛故誅其良將李牧用郭開豈不謬哉秦既虜遷  
趙之亡大夫共立嘉為王王代六歲秦進兵破嘉遂  
滅趙以為郡嘉既正且賢猶能崛起於敗亡之後但  
勢去而不能支耳使得蚤承統緒豈不能保邦於未  
危乎此太史公所深恨也遷族類不正竟無行而亡  
其國然則帝王之家政其可不以族類為先乎嘉遷  
廢立不知何年今附見於悼襄王薨之前  
徙呂不韋於蜀

解題曰致堂胡氏曰秦王賜不韋書曰君何親於秦  
號稱仲父諱之也不知其欲蓋而益彰矣古之有國  
有家者雖買妾必擇其良惡族類之龐也而嬴楚悅  
色納姬不疑其故遂使大賈生敗心自是有天下者  
蓋呂姓也而栢翳宗廟至此已絕為史者當自始皇  
元年書為後秦正其姓氏庶幾實錄矣

秦始皇帝十二年呂不韋自殺

解題曰按本紀文信侯不韋死竊葬其舍人臨者晉  
人也逐出之秦人六百石以上奪爵遷五百石以下  
臨遷勿奪爵秦待其國人與他國人不同於此略可  
見六百石以上則秩之稍高者也

漢酈曼容為官不肯過六百石輒自



去免餘見通鑑

不雨

解題曰按本紀天下大旱六月至八月乃雨

復嫪毐舍人遷蜀者

解題曰按不呂韋傳秦王所加怒呂不韋嫪毐皆已死乃皆復歸嫪毐舍人遷蜀者秦法雖峻然始皇未并天下以前猶間有寬宥至於用水德之後則無復有此等政事矣

秦始皇帝十三年平陽

解題曰平陽世家作武城李牧傳作武遂

史記正義云括地志

云平陽在相州臨漳縣西

秦始皇帝十四年相齧取趙平陽武城宜安

解題曰以年表世家攷之去年相齧攻平陽殺扈輒

今年相齧定平陽武城宜安李牧與戰却之趙封牧

為武安君通鑑用李牧傳并載於去年不知牧傳特

終言之也史記正義曰武城即貝州武城縣宜安在

恒州藁城縣西南肥在恒州藁城縣西春秋時肥子

國

韓非

解題曰按新序申子之書號曰術商鞅之書號曰法

太史公謂非喜刑名法術之學則兼治之也六經孔孟之教與人之公心合故治世宗之申商韓非之說與人之私情合故末世宗之彼各有所合也

韓王納地效璽請為藩臣

解題曰按本紀年表皆書韓王請為臣於殺韓非之後則非韓非所將之命也

秦始皇帝十五年大興師伐趙拔狼孟番吾趙李牧擊

破我軍遂還

解題曰番吾已為秦所得至是復書取者邊地往來固無常也秦大興師志在滅趙而為李牧所却國其

可以無人乎

史記正義云徐廣云番音盤常山有蒲吾縣括地志云在常山房山縣東番蒲

古今音異爾

秦始皇帝十六年初令男子書年

解題曰按周官媒氏男女自成名以上皆書年月日名焉成名子生三月父名之也內則子生三月之末男角女羈以見於父父名之宰書曰某年某月某日生而藏之宰告閭史閭史書為二其一藏諸閭府其一獻諸州史州史獻諸州伯州伯命藏諸州府其制詳密如此戰國以來不復重民之生此制廢缺久矣始皇復令男子書年其制及男而不及女特恐民之



辟征役耳豈有三代重民之意哉然下一切之令而使書之亦豈能得其實乎徐幹中論曰民數為國之寡之數乃分九職焉九職既分則勞者可知其勤者有聞也然而人竭其力國殷富大小不賈百姓休上盡其心而人竭其力國殷富大小不賈百姓休和下無怨疾焉周禮孟冬司寇獻民數于王王拜而受之登于天府內史司會冢宰貳之其重之也如是今之為政者未之知恤也譬猶無田而欲樹藝有農夫安能措其強力乎是以先王制六鄉六遂之法所以維持其民而為之綱目也使其鄰比相保受賞罰相延及故出入存亡減否逆順可得而知也及亂君之為政也戶口漏於國版夫家脫於聯伍避役及連逃者有之於是姦心競生而偽端並作小則監竊大則攻劫嚴刑峻令不能救也人庶事之則莫不取正焉以分田里以令貢賦以造器用自出也食以起田後以作軍旅國以建典家以立度五禮用九刑用措以作軍旅國以建典家以立度五禮用唯審人數乎

### 秦始皇帝十七年內史騰滅韓

解題曰韓姬姓自景侯虔受封至王安凡十一世按本紀李斯之復留也說秦王請先取韓以恐他國於是使斯下韓然則秦并六國始於韓者蓋李斯之策也秦初并天下令曰異日韓王納地效璽請為藩臣已而倍約與趙魏合從畔秦故興兵誅之此則其出師之名也前漢地理志韓地角元氏之分野也韓分晉得南陽郡及潁川之父城定陵襄城潁陽潁陰長社陽翟郊東接汝南西接弘農得新安宜陽皆韓分也及詩陳鄭之國與韓同星分野潁川南陽本夏禹

之國夏人上忠其敝鄙朴史記貨食傳韓自武子後  
七世稱侯六世稱王五世而為秦所滅秦既滅徙天  
下不軌之民於南陽故其俗夸奢上氣力好商賈漁  
獵藏匿難制御也

### 華陽太后薨

解題曰按呂不韋傳華陽太后與孝文王會葬壽陵  
夏太后別葬社東

### 大饑

解題曰秦紀趙世家書之蓋二國饑也

### 衛元君薨

解題曰衛世家書元君二十五年卒通鑑用徐廣說  
書於二十三年今從之按廣注年二十三年卒今本  
無之

### 秦始皇帝十八年定韓地

解題曰年表於虜韓王安之明年書秦滅韓於虜楚  
王負芻之明年書秦滅楚於虜燕王喜之明年書秦  
滅燕於虜齊王建之明年書秦滅齊於虜代王嘉之  
明年書秦滅趙例以悉定其地為滅耳獨虜魏王假  
之明年不書秦滅魏豈非虜王假之年魏地即定乎  
殺李牧廢司馬尚



解題曰按戰國策秦使王翦攻趙趙使李牧司馬尚禦之李牧數破走秦軍殺秦將桓騎王翦惡之乃多與趙王寵臣郭開等金使為反間曰李牧司馬尚欲與秦反趙以多取封於秦趙王疑之使趙葱及顏聚代將斬李牧廢司馬尚又載司空馬去趙謂平原令曰趙將武安君期年而亡若殺武安君不過半年趙王之臣有韓倉者以曲合於趙王其交甚親其為人嫉賢妬功臣今國危亡王必用其言武安君必死韓食果惡之王使人代武安君至使韓倉數之曰將軍戰勝王賜將軍將軍為壽於前而捍匕首當死武安

君曰病鉤身大臂短不能及地起居不敬恐懼死罪於前故使工人為木材以接手願公入明之韓倉曰受命於王賜將軍死不赦臣不敢言武安君北面再拜賜死縮劍將自誅乃曰人臣不得自殺宮中趣出自殺其恭如此李牧傳乃謂李牧不受命趙使人微捕得斬之非也使不受命韓倉安得而數之豈非因廉頗不受代事而誤載乎

秦始皇帝十九年王翦虜趙王滅趙

解題曰趙嬴姓與秦共祖惡來之後為秦自烈侯受封至王遷凡九世秦初并天下令曰趙王使其相李

收來約盟故歸其質子已而倍盟反我太原故興兵  
誅之此則其出師之名也

淮南子曰趙王遷流於房陵思故鄉作為草木之詭

聞之者莫不流涕

前漢地理志曰

趙地昂畢之分壑趙分

晉得趙國北有信都真定常山中山又得涿郡之高  
陽鄭州鄉東有廣平鉅鹿清河河間又得渤海郡之  
東平舒中邑文安東州成平章武河以北也南至浮  
水繁陽內黃斤丘西有大原定襄雲中五原上黨上  
黨本韓之別郡也遠韓近趙後卒降趙皆趙分也趙  
中山地薄人衆猶有沙丘紂淫亂餘民丈夫相聚游  
戲悲歌恍慷起則椎剽掘冢作姦巧多弄物為倡優

女子彈弦踔躑游媚富貴徧諸侯之後宮邯鄲北通  
燕涿南有鄭衛漳河之間一都會也其土廣俗雜大  
率精急高氣執輕為姦太原土黨又多晉公族子孫  
以詐力相傾矜夸功名執仇過直嫁取送死奢靡鍾  
代石北迫近胡寇民俗慎怯章岐反好氣為姦不事農  
商自全晉所已患其剽悍而武靈王又益厲之定襄  
雲中五原本戎狄地其民鄙朴少禮文好射獵

王翦屯中山

解題曰以臨燕也

王之邯鄲故與母家有仇者皆坑之



解題曰始皇之拊新國如此

太后薨

解題曰始皇母也

楚幽王薨弟猶立是為哀王

解題曰猶年表作郝

秦始皇帝二十年易水

解題曰史記正義云易水源出易縣西谷中之東東

南流與滹沱河合水經易水出涿郡故安縣閭鄉西山

秦始皇帝二十一年薊遼東

解題曰薊燕國都也今燕王府薊縣水經注云城內西北隅有薊丘曰丘以名邑猶

魯之曲阜齊之營丘遼東秦漢皆為遼東郡漢末為公孫度所

據魏司馬懿滅之復為郡西晉之亂慕容廆據之後

魏滅慕容氏其地尋入於高麗唐李勣平高麗置安

東上都護府統之至德後廢

王賁伐楚

解題曰按王翦傳秦使翦子王賁擊荆徐廣曰秦諱

楚故云荆也

李信蒙恬將二十萬伐楚

解題曰按王翦傳李信蒙恬南伐楚王翦言不用因

謝病歸老於頻陽本紀今年書王翦謝病老歸

大雨雪

解題曰按本紀大雨雪深二尺五寸

秦始皇帝二十二年王賁伐魏引河灌大梁滅魏

解題曰魏姬姓畢公高之後自文侯受封至王假凡

九世秦初并天下下令曰魏王始約服已而與韓趙謀

襲秦秦兵吏誅遂破之此則其出師之名也前漢地

理志曰魏地背鴈參之分野也其界自高陵以東盡

河河東河內南有陳留及汝南之召陵滎彊新汲西

華長平潁川之舞陽鄆許鄆陵河南之開封中牟陽

武酸棗卷皆魏分也在晉之河南曲故其詩曰彼汾

一曲寘諸河之側至獻公滅魏以封大夫畢萬晉文

公伯諸侯尊周室始有河內之土吳札聞魏之歌曰

美哉颯颯乎以德輔此則明主也文公後十六世魏

自五立為諸侯風俗見晉及秦分溝洫志大司空掾王

橫言禹之行河水本隨西山下東北去周譜云定王

五年河徙則今所行非禹之所穿也又秦攻魏決河

灌其都決處遂大不可復補宜卻徙完平處更空使

緣西山足而東北入海然則因秦引河灌大梁之後

禹之故道亦失矣戰國策蘇代說燕王曰秦正告魏

魏以為然故事秦然則灌大梁之策戰國以來人皆知之矣



楚人大破李信軍復使王翦伐楚

解題曰王翦傳書李信攻鄢郢破之引兵而西與蒙恬會城父荆人大破李信軍按鄢郢白起取以置南郡是時不屬楚久矣傳之誤也

秦始皇帝二十三年王翦取陳以南至平輿大破楚軍

於蕪殺其將軍項燕

解題曰按本紀今年王翦虜荆王荆將項燕立昌平君為荆王反秦軍於淮南明年王翦蒙武破荆軍昌平君死項燕遂自殺年表世家王翦傳皆不載項燕立昌平君事今兩存之穎濱蘓氏曰昌平君者楚人為始皇相國攻嫪毐者也始

皇二十一年將攻平輿今蔡州平輿縣荆徙昌平君於郢

秦始皇帝二十四年王翦蒙武滅楚

解題曰楚芊姓出於祝融吳回之孫季連其後中微

或在中國或在蠻夷弗能紀其世季連之苗裔鬻熊

事文王封鬻熊曾孫於楚自熊繹至王負芻凡四十

一世秦初并天下令曰荆王獻青陽以西漢書鄒陽傳曰越水

長沙還舟青陽蘓林曰青陽長沙縣是也已而畔約擊我南郡故發兵誅

得其王此則其出師之名也前漢地理志曰楚地翼

軫之分壘也今之南郡江夏零陵桂陽武陵長沙及

漢中汝南郡盡楚分也史記貨殖傳曰楚有三俗夫

自淮北沛陳汝南郡南此西楚也其俗剽輕易發怒地

薄寡於積聚江陵故郢都西通巫巴東有雲夢之饒

徐廣曰陳在楚夏之交通魚鹽之貨其民多賈徐僮

取慮徐廣曰皆在下邳則清刻矜已諾彭城以東東海吳廣

陵此東楚也其俗類徐僮朐繒以北俗則齊浙江南

則越夫吳自闔廬春申招致天下之喜游子弟東有

海鹽之饒章山之銅三江五湖之利衡山九江江南

徐廣曰高帝所置江南者丹陽也秦置為鄣郡武帝改名丹陽豫章長沙是南楚也

其俗大類西楚郢之後徙壽春亦一都會也而合肥

受南北潮皮革鮑木輸會也與閩中千越雜俗故南

楚好辭巧說少信江南卑濕丈夫早夭總之楚越之

地地廣人希飯稻羹魚或火耕而水耨果隋羸蛤不

待賈而足地勢饒食無饑饉之患以故盜竄偷生無

積聚而多貧是故江淮以南無凍餓之人亦無千金

之家前漢地理志曰信巫鬼重淫祀楚世家書滅楚郡云孫檢曰秦

虜楚王負芻滅去楚名以楚地為秦郡秦避莊襄王

諱易楚為荆不應置楚郡檢之說是也但三十六郡

中亦無秦郡之名以地理考之南郡九江郡鄣郡會

稽郡皆楚地也

秦始皇帝二十五年王賁滅燕



解題曰燕姬姓周武王封召公於北燕史記正義曰

野故國取名焉燕山在幽州漁陽縣東南自召公受

封索隱曰以元子就封而至王喜凡四十四世前漢

地理志曰燕地尾箕分壑也東有漁陽右北平遼西

遼東西有上谷代郡鴈門南得涿郡之易容城范陽

北新城故安涿縣良鄉新昌及渤海之安次皆燕分

也樂浪玄菟亦宜屬馬初太子丹賓養勇士不愛後

宮美女民化以為俗男女無別及以為榮其俗愚悍

少慮輕薄無威亦有所長敢於急人燕丹遺風也史

記貨殖傳曰燕亦勃碣之間一都會也南通齊楚東

北遣胡上谷至遼東地踔遠人民希數被寇大要趙

代俗相類有魚鹽棗栗之饒北鄰烏桓夫餘東綰穢

貉朝鮮貞番之利

王翦悉定楚江南地降越君置會稽郡

解題曰通鑑作降百越之君按賈誼過秦論南取百

越之地以為桂林象郡事在三十三年今年方置會

稽郡百越固未盡服也

# 大事記解題卷第六

大事記解題卷第七

東萊呂祖謙伯恭王

秦始皇帝二十二年

蒙恬滅齊

解題曰齊

完奔齊食菜於田春秋後改

姓田氏自田和代齊至王建凡七世秦初并天下令

齊王用后勝計絕秦使欲為亂兵吏誅虜其王此

則其出師之名也

疆界風俗見周安王十一年齊田和徙其若康公解題

按蒙恬傳始皇二十六年恬因家世得為秦將攻齊

破之拜為內史秦之將帥多世其家賁翦之子也

武之子騫之孫也潁濱蘓氏曰韓魏趙楚與秦壤



地相接雖欲勉強抗秦而干戈日至勢不可矣如燕  
負海前有四國之限燕弱不足言如齊之強使與  
國合從推其有餘以補不足時至而極其亟雖秦  
暴亦安能遂滅諸侯乎然威宣方以其力攻伐諸  
侯親潛王取宋破燕求逞其欲不暇及遠而王建  
媮安自守僥倖秦之見容與五國相隨而一五觀六  
國之其君無人可以守國者楚考烈王死園  
專國負芻與王猶爭立僅能自定而秦兵至遷  
信讒以誅李牧魏景湣王用秦間以廢信陵韓王安  
制於韓死燕私怨始皇欲以刺客斃秦雖使秦  
不作其勢亦不能久安矣而况秦乘其斃乎

### 史號皇帝

解題曰按本紀初并天下令丞相御史議帝號丞相

館御史大夫劫廷尉斯等

秦變古官制今以前後漢百官表志通典考其大畧

附見于此相國不常置如穰侯呂不韋為之其權固

非它相比至于昌平君昌文君亦稱相國然則特重

其名耳丞相有左右金印紫綬始於甘茂樛里疾終

于馬去疾李斯大率常命兩相也侍中者本丞相史

也使五人來殿內更相奏事故謂之侍中其後為

加官則其戒浸重矣太尉金印紫綬掌武事呂不韋

月今日孟夏太尉舊雋傑則秦有此官久矣御史大

夫位上卿銀印青綬掌副丞相有兩丞秩十石領侍

御史受公卿奏事舉劾按章有兩丞秩十石領侍

園藉大夫者得御史之率也御史之名見於周官以

職益親故獻書多云獻書十大王御史澠池之會各

命御史書事而淳于髡亦曰御史在親執法在後是  
又掌記糾察之任也至秦人呈自遂與丞相分權  
下侍御僕從其勢益重而御史大夫之位上卿金印紫  
綬九卿並左右將軍皆周末官秦因之儀博士屬  
焉盧生謂博士七十人皆弗用胡毋敬為秦太史令  
行博士七章博士太史令皆奉之屬也二日衛尉掌  
令掌宮殿掖門戶詳見二世元高解題中車府今太  
宮門衛屯兵四曰太僕掌刑輿馬趙班在五而議帝  
僕之屬也五曰廷尉掌獄為重李斯又在五而議帝  
獨出李斯名者蓋秦以獄容掌諸侯方任事所以  
為九卿議者之首也六曰典史掌穀貨九曰義吏掌  
曰宗正卿親屬八曰治粟內史掌穀貨九曰義吏掌  
山海池澤之稅以給共養蓋治粟內史所掌穀貨共  
軍國之用少府名曰禁錢以給天子私養自別為藏  
少者小也少府屬官有尚書等十二官令丞少府吏  
四人左殿中主發書謂之尚書其後遂以文信侯相  
令丞耳呂不韋出司空馬奔趙說趙王曰以文信侯相  
秦臣事之為尚書習秦事然則始皇之府初是已號  
要劇矣又中書謁者黃門鈎盾尚府永巷令丞諸僕射署長中黃門皆屬焉  
者御府永巷令丞諸僕射署長中黃門皆屬焉  
沿革列黃門侍郎尚書令僕射自侍中尚書丞博士郎軍屯史  
必有漢所增者也僕射自侍中尚書丞博士郎軍屯史  
駟宰永巷官人皆有之黃門令黃丞門重武官博士郎軍屯史  
之隨所領之事以黃門令黃丞門重武官博士郎軍屯史  
黃門之內給事別于黃門令黃丞門重武官博士郎軍屯史  
卿李斯自廷尉之為丞相蒙恬自內史至京師其秩雖九  
九卿者將相出入之也卿皆作卿一徹史為大將謂九  
言卿則不須九卿之數矣卿皆作卿一徹史為大將謂九  
掌皇太后太子家將行皇太后卿也典屬國掌治宮室降者  
內史掌治京師主爵中尉列侯秩自關作少府至主  
爵中尉秩皆二千石爵中尉列侯秩自關作少府至主  
以李斯舍人為護軍即此也侍中左右曹諸史散  
騎中常侍皆加官所加或列侯將軍卿大夫侍中尉  
尚書太醫太官令至即中書員多至數十人侍中尉  
常侍得入禁中諸曹受尚書事或大夫舉士散騎中尉  
並乘輿車給事中亦加官尚書事或大夫舉士散騎中尉  
預問應對位次中常侍亦加官尚書事或大夫舉士散騎中尉



大夫通典以加官為漢制然百官表加官一章其來  
摠結云皆秦制則出于秦無疑但漢因秦制廣之益  
詳益重其間官名必多漢所增也秦之祿秩于史無  
所考漢制三公號稱萬石其奉月各三百五十斛穀  
其稱中二千石者百斛千石者八十斛二千石者  
斛比二千石者七十斛百石者九十斛二千石者  
斛六石者一斛佐史月奉八斛按范雎毀穰侯之秋  
食月奉斗一斛以上有非相國之人者乎王翦攻闕與歸  
口自斗食以上有非相國之人者乎王翦攻闕與歸  
十食以下秩居斗食以下者謂佐史也呂不韋死其  
舍人六百石以上奪爵以此三事考之則漢之祿秩  
大率皆秦制其間小有增損別不可知耳孟子論秩  
室制祿自上農夫食九人稽之孔子使原思為宰與  
之粟九百而孟子為齊卿其祿十萬鍾然則自古至  
於秦漢無不以穀粟制祿也荀綽晉百官表注載後  
漢延平中二千石月奉錢九千米七十斛貞二  
千石月錢六千五百米三十六斛當陽帝之一斛百官  
奉祿猶未多錢少况于古乎

皆曰昔者五帝地方千里其外侯服夷服諸侯或朝

或否天子不能制今陛下按戰國策子楚與孝文王

蔡邕曰也天子必有近臣立于陛側以戒不虞  
謂陛下之者群臣謂天子言不敢指斥故呼在陛下  
者與之言因卑達尊之意也平定天下法令由一統自上古以來

未嘗有五帝所不及臣等謹與博士議曰前漢百官

官掌通古今秩比六百石員多至數十人古有天皇有地皇有秦皇秦皇

最貴臣等昧死上尊號王為秦皇命為制令為詔天

子自稱曰朕蔡邕曰朕我也古者上下共稱之至秦

王曰去秦著皇采上古帝位號號曰皇帝兼三皇五

其汰侈固不待言然丞相以下議稱秦皇其不辯甚

矣君侈臣庸欲不亡得乎秦邕曰羣臣有所奏請尚書令奏之

他如議制曰可下有司曰制天子答之曰可

大上皇

解題曰三代稱王故武王既克商推王迹所起追王太王王季文王始皇既自稱皇帝矣追尊其父乃獨去帝著皇豈非以父未嘗有天下不使同已之稱乎然則帝皇之義始皇初不知也

除謚法

解題曰五峯胡氏宏曰昔周公作謚法豈使子議父臣議君哉合天下之公奉君父以天道耳孝愛不亦深乎所以調後為君父者以立身之本也知本則身立家齊國治天下平不知本則縱慾恣暴惡聞其過

入於滅亡天下知之而不自知也唯其私而是不合天下之公則為子議父臣議君夫臣子也君父有不善所當陳善閉邪引之當道若生不能正既亡而黨之是不以天道事君父也謂之忠孝可乎

定為水德

解題曰方鄒衍推五德之運

史記正義曰始皇采鄒

以周為大德自稱水德勝之用母代子如淳云今鄒

今視之持陰陽末

按檀弓夏后氏尚黑殷人尚

止以服色所尚耳哉

若無預於治亂之數也及至

始皇始采用之定為水德以為水德之治剛毅戾深



事皆決於法刻削毋仁恩和義然後合五德之數於是  
急法久者不赦則其所繫豈小哉後世遂相沿以為  
大事不可不紀也

以十月為歲首

解題曰子為天正於律為黃鍾鍾者種也陽氣種於  
黃泉孽萌萬物為六氣元也丑為地正於律為大呂  
呂者旅也陰大旅助黃鍾宣氣而牙物也寅為人正  
於律為大簇簇者奏也陽氣大奏地而達物也自古  
正朔不過此矣至於建亥之月萬物該歲豈有用之  
為正者哉按秦紀昭王四十二年先書十月宣太后

薨次書九月穰侯出之陶四十八年先書十月韓獻  
垣雍秦軍伐趙次書正月兵罷五十年先書十月白  
起有罪為士伍次書十二月益發卒軍汾城旁次書  
二月攻晉軍斬首六千而呂不韋春秋季秋紀亦書  
合諸侯制百縣為來歲受朔日與諸侯所稅於民輕  
重之法則自昭王以來用十月為歲首久矣特始皇  
立定為制耳

從李斯議不置諸侯

解題曰五峯胡氏曰聖人理天下以萬物各得其所  
為極至封建也者帝王所以順天理承天心公天下

之大端大本也郡縣也者霸世暴主之所以縱人欲悖天道私一身之大孽大賊也分天下有德有功者以地而不敢以天下自私於是有百里七十里五十里不能五十里邦國之制焉於是有君朝卿大聘大夫小聘王巡狩侯述職之禮樂法度焉於是有十雉百雉三之一五之一之高城深池焉於是有井邑丘甸縣都之夫數焉於是有十乘百乘千乘萬乘之車數焉於是有五兩卒旅師軍之制焉於是有卿大夫司徒樂正取士之法焉邦國之制廢而郡縣之制作矣郡縣之制作而世襲之制亡矣世襲之制亡而數

易之弊生矣數易之弊生而民無定志矣巡狩述之禮廢則上下之情不通攷文案而不究事寔信案不任仁賢其弊有不可勝言者矣城池之制而禁禦暴客威服四夷之法矣夫家之法廢則數不可詳矣民數不可詳而車乘不可出矣車乘出而軍師不隱於農矣軍師不隱於農坐食者公私用窮矣世儒不知王師之本反以亡秦法所謂明君良臣者亦未免以天下自私無意成輔相使萬物各得其所所以歷千五百餘歲未能復之者也聖人制四海之命法天而不私盡制



曲防分天下之地以為萬國而舉英才共焉非後  
擅天下者以大制小以強制弱之謀也誠盡制  
天是以虞夏商周傳於長久皆千餘載論興廢則  
有焉語絕滅則至暴秦郡縣天下而然後極也自  
先王之制海內蕩然無有根本之固有今世王  
而繼世無置錐之地者有今年貴為天子而明年  
欲為匹夫不可得者天子尚然况其下者乎物有其  
根則常而靜安而久常靜安久則理得其終物遂其  
性封建者政之有根者也故上下辯民志定教化行  
風俗美理之易治亂之難亡扶之易興亡之難滅郡

縣反是

分天下為三十六郡

解題曰三十六者者內吏

漢三輔及弘農郡

三川

漢河南河

河東南陽南郡九江

漢並

鄆郡

治故鄆在今湖南官郡所治

當考漢改為丹陽郡

會稽潁川

漢並

碭郡

漢梁泗水漢改為薛

郡國東郡琅邪

漢並

齊郡

漢齊上谷漁陽右北平

遼西遼東代郡鉅鹿邯鄲上黨大原雲中

漢並九原

漢改為三原郡 鴈門上郡隴西北地

漢中 漢中巴郡蜀郡

漢改為武陵郡今昂 中

漢長 凡三十六郡其後

并南越閩越置桂林

漢改為南海 象郡

南郡閩中徐廣曰治漢武帝處其地合四十郡漢以秦郡大稍稍

三川河東在諸郡之首者蓋所以陪輔閩中地勢莫

重焉即漢所謂三河也漢分三川為河南河內與河

東歸為三河史記貨殖傳曰昔唐人都河東殷人都

河內周人都河南夫三河在天下之中若鼎足王者

所更居也建國各數百千歲土地小狹民人衆都國

諸侯所聚會故其俗纖儉習事

### 郡置尉監

解題曰按前漢百官表郡守秦官掌治其郡秩二千

石郡尉秦官掌佐守典武職甲卒秩比二千石漢郡國凡

百有三置都尉者九十後漢監御史秦官掌監郡戰

志去每屬國置都尉一策安邑之御史死其次恐不得也使安邑令為人請

御史于王王曰彼固御有次乎吾難取法因遂置之然則六國時固已遣御

史監即矣非獨秦也漢省之守者守其地也尉者

分其兵權也監者使其親既監之也通典曰秦以御

史監理諸郡謂之監察史

更民名曰黔首

解題曰應劭曰黔亦黎黑也

一衡石丈尺文字

解題曰自商君為政平斗桶權衡丈尺其制變於古



斯趙高所定亦非保民之教也然此乃帝王初政之常秦猶沿而行之至於後世則鮮或舉之矣

禮樂

鮮題曰按通典鄭玄禮序云周衰諸侯僭忒自孔子

時禮已不能具秦并天下收儀禮而歸之咸陽但未

其尊君抑臣以為時用

前漢志云諸侯踰越法度惡禮制之害已去其篇籍遭秦

滅學遂以亂亡

通典又曰始皇平天下六代廟樂唯韶武存

焉二十六年改周大武曰五行房中曰壽人

前漢志曰周有

房中樂至秦名曰壽人五行舞者本周舞也秦始皇一十六年更名曰五行也儀禮燕禮記有房中之樂鄭氏注歌周南召南之詩而不用鐘磬之節也謂之房中者后大人之所議誦以事其君子

秦車服制可見者大駕屬車八一乘周末諸侯

有二車九乘秦滅九國兼其車服故屬車八十一乘

自以尚水德故郊社服用皆以禘以從冕梳前後

邃綆秦邕獨新云禘神繒也班固

又制通天冕其狀

遺失漢因秦名制之乘輿所常服又采楚制作遠遊

冠滅齊獲其君冠制高山冠賜近臣滅楚以其君冠

賜御史謂之法冠

或謂之名柱後惠文冠

滅趙以其君冠

賜近臣謂之惠文冠所謂貂蟬也秦雄諸侯乃加其

武將首為絳袍表其貴賤其後稍稍作顏題謂之幘

其畧如此

秦車服制並見通典

二世尤以鄭音為娛丞相李斯

進諫曰放棄詩書極音聲耳祖伊所以懼也輕積細  
過恣心長夜紂所以亡趙高曰五帝三王之樂各殊  
名示不相襲朝廷下至今民得以接歡喜合殷勤非  
比和說不通鮮澤不流亦各一世之化度時之樂何  
必華山之駭耳而後行遠乎二世然之按李斯傳二  
世用趙高請  
按李斯  
在甘泉方作殿抵優能之觀李斯不得見應劭曰戰  
國之時稱增謂武之禮以為戲樂用相夸示而秦更  
名曰角抵文穎曰兩兩相當也見樂書李斯傳  
秦祀典唯雍四時上帝為尊故雍四時春以為歲祠  
禱因泮凍杖涸凍冬賽祠五月嘗駒及四中之月月  
祠一歲凡八祭  
此常祭也時駒四匹廟師古曰每  
時用駒四匹黃犢羔各四

圭幣各有教皆坐痊理無俎豆之具俎豆之廢  
自此始三年

一郊此天子之親郊也後世三年  
之郊始于此見郊祀志

### 收秦半之賦

解題曰按前漢食貨志始皇并天下內興功作外攘

夷狄收秦半之賦師古曰秦半  
三分取其二董仲舒曰秦改帝王

之制小民月為更卒已復為正一歲屯戍一歲力役

三十倍於古師古曰更卒謂給郡縣一月而更者也  
正卒謂給中都官者也率計今人一歲

之中屯戍及力役之田租田賦益鐵之利二十倍於

古如淳曰秦賣益鐵貴故下民受其困也師古曰既  
收田租又以口賦而官更奪益鐵之利率計今人

一歲之中失其資產二十倍多于古也漢四或耕豪



民之田見稅什五

如淳曰什稅其五師古曰言下戶貧人自無田而耕墾豪富家田十分之中以五

輸本田主也

故貧民常衣牛馬之衣而食犬彘之食

重以貪暴之吏刑戮妄加民愁亡聊已逃山林轉為

盜賊赭衣半道斬獄歲以十萬數今並附見於始皇

并天下之年

### 上弊下弊

解題曰按前漢食貨志秦兼天下弊為二等黃金以

鎰為名上弊

孟康曰二十兩為鎰史記正義曰二十四兩為鎰師古曰改周一斤之制更

以鎰為金之名數也高祖初賜張良百鎰此尚秦之制也上弊者二等之中黃金為上而錢為上也

銅錢貨如周制文曰半兩

律歷志云一鑿容千一百黍重十二銖兩之為兩二

十四銖為西重如其文而珠玉龜貝銀錫之屬為器飾

臧不為弊古者以為瑞以龜為寶以貝為貨而鍾

鼎之屬則有國有家之所傳守也戰國以後以金錢

為尚不曰黃金萬鎰則曰致訾千萬而已圭璧鍾鼎

宗廟朝廷之所重者徒以供耳目之玩若所謂龜貝

者又委於泥沙莫知其貴矣此風氣之一變也

### 築女懷清臺

解題曰按貨殖傳烏氏保

帝昭曰烏氏縣名屬安定保名也

畜牧及

眾斥賣求奇繒物間獻遺戎王戎王什倍其債與之

畜至用谷量馬牛秦始皇帝令保比封君以時與

列臣朝請而巴蜀寡婦清其先得丹穴而擅其利數  
世家亦不訾清寡婦也能守其業用財自衛不見侵  
犯秦皇帝以為貞婦而容之為築女懷清臺始皇之  
所褒表賓禮者如此史失其年今載於初并天下之  
歲

秦始皇帝二十七年隴西北地鷄頭山回中  
解題曰此始皇既并天下巡郡縣之始也隴西唐隴  
右道今秦河鞏熙涼沙等州之地北地今寧州鷄頭  
山在城州上祿縣東北酈道元云蓋大隴山異名  
回中宮在雍州西見自下並

作極廟

解題曰始皇預自為廟也漢之作頌成廟放此見君  
始臣尊

廟議

賜民爵一級治馳道

解題曰以治馳道之勞故賜之爵也自此後終秦世  
賜爵者不重出賈山至言曰秦為馳道於天下東窮  
燕齊南極吳楚江湖之上濱海之觀畢至道廣五十  
步三丈而樹厚築其外隱以金椎樹以青松為馳道  
之麗至於此使其後世曾不得邪徑而託足焉  
秦始皇帝二十八年鄒嶧山刻石



解題曰刻石始於此史記正義曰國系云邾嶧山魯穆公改邾作鄒其山遂從邑變山在兗州鄒縣南北去黃河三百餘里

### 封泰山禪梁父

解題曰文中子曰封禪之費非古也徒以誇天下其秦漢之侈心乎史記正義曰泰山在兗州博城縣西北梁父在兗州泗水縣北

### 作琅琊臺

解題曰按本紀並勃海以東過黃腫史記正義曰腫在來州黃縣東南古腫縣在黃縣南窮成山史記正義曰在萊登之

梁史記正義曰在萊州文登縣東北立石頌秦德焉而去南登琅琊

大樂之留三月乃徙黔首三萬琅琊臺下史記正義曰

邪山在密州諸城縣東南復十一歲作琅琊臺復除

始皇立層臺於山上其賦復也然復有大小遠近之別有復其繇戍者有復其租稅者有復其身者有復其家者有復一歲者有復二歲者有復三歲者有復十二歲者有復終身者有復其後世者載在漢書皆可考也立石

刻頌秦德曰維秦王兼有天下立名為皇帝乃撫東

土至於琅琊列侯武城侯王離列侯通武侯王賁倫

侯建成侯趙亥倫侯昌武侯成倫侯武信侯馮毋擇

丞相隗林丞相王綰卿李斯卿二戊五大夫趙嬰五

大夫楊樛從與議於海上列侯之下復有倫侯當考

武關

解題曰今商州商洛縣有少習即秦武關也文潁曰武關在析西百七十里弘農界

秦始皇帝二十九年東游至陽武博狼沙中

解題曰博狼沙在鄭州陽武縣界當官道

見史記正義張

良大開地相韓昭侯宣惠王襄哀王父平相釐王

悼惠王悼惠王二十二年平卒二十歲秦滅韓良

年少未官事韓韓破良家僮三百人弟死不葬悉以

家則求客刺秦王為韓報仇以大父父五世相韓故

致堂胡氏曰或者謂良年少輕用其身黃石老父蓋

不喜也故為復期之約墮履之事屈折其虛氣使能

隱忍以就大者是不知良也良本為報讐非有事漢

之志苟得斃呂政於一推有心愜矣餘亦何求哉或

者不達又若虞其敗者夫以秦皇徂詐之智虎狼之

威千乘萬騎之衆揮推奮擊既無覺者大索天下又

不能得良非獨免併免力士其智略之妙固已視呂

政如置中免何敗獲之憂乎是亦淺淺乎待良矣

秦始皇帝三十一年更名臘曰嘉平

解題曰索隱曰應劭曰夏曰清祀殷曰嘉平周曰人

臘蓋改從殷號秦重伏臘故有羊未之賜



使黔首實田

解題曰阡陌之弊至是出矣使井田不廢何患田之不寔乎杜氏通典曰自秦孝公隳經界立阡陌雖獲一時之利而兼并踰僭興矣阡陌既弊又為隱覈隱覈之法憑乎簿書簿書既廣必藉衆功藉衆功則政由群吏則人無所信矣夫行不信之法雖申商督刑之胥欲紀人事之衆寡明地利之多少委收於衆多撓首揔筭不可得而詳矣不變斯道而求治者未之有也

微行逢盜

解題曰始皇為微行咸陽

張晏曰若微行之所為故曰微行也

與武士

四人夜出逢盜蘭池見窘武士擊殺盜關中大索

二十日

秦始皇帝三十二年東巡刻碣石門

解題曰按本紀誓

徐廣曰誓一作盟

刻碣石門壞城郭決通

隄防其辭曰皇帝奮威德并諸侯初一秦平墮壞城郭決江川防夷去險阻地勢既定黎庶無繇天下咸撫五峯胡氏曰制井田所以制國也所以制王畿也王畿安強萬國親附所以保衛中夏禁禦四夷也先王建萬國親諸侯高城深池徧天下四夷雖虎猛狼

貪安得肆其欲而逞其志乎此三王為萬世慮禦四  
夷之策也王公設險以守其國孔子所以書於習  
坎之彖也城郭溝池以為固孔子所以答言偃之  
也自秦而降郡縣天下中原世有戎狄之禍矣悲夫  
考入海方士

解題曰瓚曰考校其虛實

秦始皇帝三十三年發諸嘗逋亡人贅婿賈人擊南越  
解題曰漢武帝發天下七科謫一曰吏有罪始皇適  
治獄吏不直者築長城即此科也二曰亡命三曰贅  
婿曰賈人即今歲所發嘗逋亡人贅婿賈人也

曰故有市籍六曰父母有市籍七曰大父母有市籍  
皆賈人之類也然則所謂七科謫者其因秦之舊乎  
兵出於農固有定籍矣吏有罪者席其故官亡命者  
去其鄉土贅婿者託於婦家賈人以下皆身不在農  
畝是七科皆非調發所及故謫之具雖暴政然亦有  
說也南越君長史不書閩越王無諸及越東海王搖  
者其先皆越王句踐之後也姓鄒氏秦已并天下皆  
廢為君長以其地為閩中郡置閩中郡史失其年今  
附於置桂林南海象郡之後

蒙恬大破匈奴收河南地築長地



鮮題曰按本紀列傳蒙恬西北斥逐匈奴匈奴單于頭曼不勝秦北徙悉收河南地之北河南自榆中徐廣曰在金城

金城即在漢涼州刺史所部也並河以東屬之陰山列傳云渡河據

原西安陽縣北有陰山在河南陽山在河北然則秦地跨河北陽山長城止屬於陰山耳趙武靈王築長

城自代並陰山下至高閼為塞五原郡屬并州漢刺

史所部即秦之九原郡也陰山陰山縣漢武帝攘斥

白奴置陰山縣屬五原郡因河為塞築長城水經注楊

郡唐屬安北大都護府因河為塞築長城水經注楊

日秦始皇使蒙恬北築長城死者相屬民歌曰生男

慎勿舉生女南用舖不見長城下戶骸相支拄其寬

痛如因邊山險澗谿谷可繕者治之起臨洮漢隴西

兆至遼東萬餘里又使蒙恬渡河取高閼水經注趙

代並陰山下至高閼為塞山下有長城長城之際連

山天其山中斷兩岸望若闕焉自關北出荒中關

口有城山結局謂之高關戍自古迄今常捍

以防塞道史記正義曰地理志云朔方臨戎縣北有

連山中斷西峯俱峻名陶山北假中晉灼曰王莽傳

為高閼朔方今夏州築亭障以逐戎人恬居上郡今麟延安州

壞植穀北假地名也德保安十餘年威振匈奴主父偃書曰昔秦皇帝欲

運芻粟北河

鮮題曰按主父偃書秦皇帝使蒙恬將兵而攻胡卻

地千里以河為境又使天下飛芻輓粟起於黃騰琅

邪負海之郡轉輸北河率三十鍾而致一石師古曰

斗為鍾再其道路所費凡用百九十二解乃得一石至男子疾耕不足於糧餉

女子紡績不足於帷幕百姓靡敝孤寡老弱不能相

養道死者相望又按水經及注河自西域注於蒲昌

海一名鹽澤至玉門陽關一千三百里隱命不見復

出於積石山山在西羌之中燒當所居也後漢延熹

屈而東北流逕於析支居謂之河曲羌人所積石山東北逕歷

敦煌酒泉張掖南又東過隴西金城天水又東北遇

安定又北過北地朔方又屈而北流為北河東逕於

高闕南自高闕東南逕朔方九原東過雲中又南過

龍門口

以謹徙民戍五嶺河南

解題曰按本紀為桂林象郡南海以適遣戍徐廣曰五十萬

人守嶺索隱曰初縣即上自榆中屬陰山為三十四縣

是也史記正義云裴駟云廣州者大庾始安臨

揭陽桂陽輿地志云一曰臺名塞上今名大

彗星出西方

解題曰本紀作明星出西方徐廣曰皇甫謐云彗星

見

秦始皇帝三十四年焚書

解題曰按本紀列傳始皇置酒咸陽宮博士七十



前為壽博士僕射周青臣

前漢百官表僕射秦官侍中尚書博士郎軍屯

騎宰永巷皆有古者重武官有主射以督課之取其領事之號蓋康曰皆有僕射隨所領之事以為師軍屯吏則曰軍屯僕射永巷則曰永巷僕射後漢志博士僕射中興轉為祭酒

頌始皇威德始皇悅博士齊人淳于越進曰

殷周之王千餘歲封子弟功臣自為枝輔今陛下

而子弟為匹夫卒有田常六卿之臣無輔

救哉事不師古而能長久者非所聞也

又面諛以重陛下之過非忠臣始皇下其議

斯曰陛下創大業以建萬世之功固非愚臣

越言乃三代之事何足法也今善人生其

以非上之所建立禁之便臣請史官非秦記皆燒之

六國表云秦既得意燒天下詩書諸侯史記尤甚為其有所刺譏也詩書所以復見者多藏人家而史記獨藏室以故滅惜也哉獨有秦非博士官所職天下記人不載日月其文畧不具

敢有藏詩書百家語者悉詣守尉雜燒之所燒者天下之書博

士官所職固自若也蕭何獨收圖籍而遺此惜哉有敢偶語詩書棄市以古

非合者族吏見知不舉者與同罪此見知令下三十

日不燒黥為城旦如淳曰晝日伺寇虜夜所不去者

醫藥卜筮種樹之書前漢藝文志秦焚書而易為筮卜之事傳者不絕古者教人之

通法詩書禮樂而已至于易則未嘗躐等與人是以下則秦焚之久矣欲以學法令以吏為師此商鞅之

頭王十年題解制曰可餘見通鑑始皇卞淳于越之議意雖

惡之然未必如李斯之酷也逢君之惡其罪大斯之

謂與戰國陋儒誦章句而不知踐履守陳跡而不識

時宜荀卿疾之於是輕詩書法後王以鴆一時之弊

初不知李斯假其說其禍如此其極也天下之患始

於陋儒而疾陋儒者寔成之

秦始皇帝三十五年甘泉

解題曰史記正義云括地志云甘泉在雍州雲陽西

北秦始皇帝作甘泉宮去長安三百里望見長安

作宮阿房及穿治麗山

解題曰按本紀阿房宮未成成欲擇令名名之作宮

阿房故天下謂之阿房宮始皇初即位穿治麗山及

天下其後益侈矣至是遂役十萬人分作阿房

麗山焉史記正義云括地志云秦阿房宮亦城在雍州長安縣西北

徙三萬家驪邑五萬家雲陽

解題曰驪邑始皇之陵邑也漢自人君即治山陵及

徙民置邑陵旁皆秦制也雲陽甘泉宮所在也秦開

直道表謂之通甘泉紀謂之廊雲陽漢武帝幸甘泉

祠秦一而公卿稱皇帝郊見秦一雲陽蓋一地也在

漢屬左馮翊史記正義云括地志云驪邑在雍州新豐縣本周時驪戎邑



坑諸生

解題曰按本紀侯生盧生相與謀曰始皇為人天性剛戾自用起諸侯并天下意得欲從以為自古莫及已專任獄吏獄吏得親幸博士雖七十人特備員弗用丞相諸大臣皆受成事倚辦於上上樂以刑殺為威天下畏罪持祿莫敢盡忠上不聞過而日驕下攝伏謾欺以取容秦法不得兼方不驗輕然侯星氣者至三百人皆良士畏忌諱諛不敢端言其過天下之事無小大皆決於上上至以衡石量書石百二十斤日夜有呈不中呈不得休息貪於權勢至於財未可為求

仙藥於是乃亡去始皇聞亡乃大怒使御史悉按問諸生犯禁者皆坑之餘見通鑑延平陳氏曰燒詩書殺學士秦之所以亡也其所以致亡者始於自用自用則惡夫非之者而儒生分別是非常不可屈已以從天下之善而欲屈天下從已私能無亡乎

秦始皇帝三十六年徙民三萬家於北河榆中

解題曰以備匈奴也按水經注榆中在金城東五十

許里唐勝州榆林縣即漢書所謂榆溪舊塞者也自溪西去

悉榆柳之數矣

秦始皇帝三十七年始皇出遊右丞相斯少子胡亥從

解題曰坡東蘇氏曰李斯佐始皇定天下不可謂不  
智扶蘇親始皇子秦人戴之久矣陳勝假其名猶足  
以亂天下而蒙恬持重兵在外使扶蘇不即受誅而  
復請之則斯高無遺類矣以斯之智而不慮此何哉  
曰嗚呼秦之失道有自來矣豈獨始皇之罪自商鞅  
變法以殊死為輕典以慘夷為常法人臣狼顧脅息  
以得死為幸何暇復請方其法之行也求無不獲禁  
無不止鞅自以為軼堯舜而駕湯武矣及其出亡而  
無所舍然後知為法之弊夫豈獨鞅悔之秦亦悔之  
矣荆軻之變持兵者熟視始皇環柱而走莫之救者

以秦法重故也李斯之立胡亥不復忌扶蘇者知威  
令之素行而臣子不敢復請也扶蘇之不敢請亦知  
始皇之鷙悍而不可回也豈料其偽也哉周公曰  
平易近民民必歸之孔子曰有一言而可以終身行  
之其怨矣乎夫以忠恕為心而以平易為政則上易  
知而下易達雖有賈國之姦無所投其隙倉卒之變無  
自發焉然其令行禁止蓋有不及商鞅者矣而聖人  
終不以彼易此商鞅立信於徒木立威於棄灰刑其  
親戚師傅積威信之極以及始皇秦人視其君如雷  
電鬼神不可測也古者公族有罪三宥然後制刑今



至使人鳩殺其太子而不敢請則威信之過也故夫以法毒天下者未有不反中其身反其子孫者也漢武與始皇皆果於殺者也故其子如扶蘇之仁則寧死而不請如戾太子之悍則寧反而不訢知訢之必不祭也戾太子豈欲反者哉計出於無聊也故為二君之子者有死與反而已李斯之智蓋足以知扶蘇之必不反也吾又表而出之以戒後世人主之果於殺者

### 葬始皇於驪山

解題曰前漢劉向上成帝疏曰黃帝葬於橋山堯葬

濟陰邙壠皆小葬具甚微舜葬蒼梧二妃不從禹葬

會稽不改其列殷湯無處文武周公葬於畢秦穆

公葬於雍橐泉宮祈年樗里子葬於武庫皆無

邙壠之處夫死者無終窮而國家有廢興此聖帝明

王賢君智士遠覽獨慮無窮之計也其賢臣孝子亦

承命順意而薄葬之此誠奉安君父忠孝之至也秦

惠文武昭莊襄五王皆大作邙壠多其瘞藏咸盡發

掘露始皇帝葬於驪山之阿錮三泉上崇墳

其高五十餘丈周回五里有餘石槨為游館

燈燭水銀為江海黃金為鳧鴈珍寶之藏機變

柳麗宮館之盛不可勝原又多殺宮人生葬工  
匠計以萬數天下苦其役而反之驪山之作未成而  
周章百萬之師至其下矣項藉燔其宮室營宇往者  
咸見發掘其後收亡羊入其鑿牧者持火照牛  
羊失火燒其臧柳自古至今葬未有盛于始皇者也  
數年之間外被項藉之災內罹牧豎之禍豈不哀哉  
是故德彌厚者葬彌薄知愈葬愈微無德寡知  
其葬愈彌高宮廟麗發掘必連由是觀之  
暗明之効吉凶矣  
殺蒙恬蒙毅

解題曰太史公曰吾適北邊自直道歸行觀蒙恬所  
為秦築長城高鄣塹山堙谷通直道固輕百姓力矣  
夫滅之初滅諸侯天下之心未定痍傷者未瘳而恬  
為名將不以此時強諫振百姓之急養老存孤務修  
眾庶之和而阿意興功此其兄弟遇誅不亦宜乎何  
乃罪地脈哉諷濱蘇氏曰殺以忠信事上自許無罪  
所以不免也哉

### 復行錢

解題曰秦行半兩錢意者始皇末年嘗不用錢而二  
世復之也



大事記解題卷第七

大事記解題卷第八

東萊呂祖謙伯恭

秦二世皇帝元年即中令

解題曰按前漢百官表即中令秦官掌宮殿掖門戶

臣瓚曰主即內諸官故曰即令括蒼鮑氏曰即與廊同按戰國策梧下先生見魏王趨出至即門而反一謂即門即廊之門也又按戰國策段產謂秦新城君曰臣處即中能而無議君於王而不能使人無議臣於君然則秦昭王之時已屬官有大夫即謁者皆即中之名其職已親近矣

秦官大夫掌議論有太中大夫中大夫皆無員多至

數十人即掌守門戶出充車騎有議郎中郎侍郎七

中官皆無員多至千人後漢志凡即官皆主更直執戟宿衛諸殿門出充車騎唯

即不在直中按戰國策荆軻逐秦法諸郎中執兵  
殿下非有詔不得又按滑稽傳優旃呼陞循郎  
則執戰宿中郎有五官左右三將秩皆比二千石  
蓋秦制也中郎將一人主五官郎五官下郎比六  
漢志五中郎將四百名五官郎中比三百石左中  
石五官郎中比四百石右中郎將主右署郎中比四  
將士郎中三百石中郎將主右署郎中比六百  
石郎中郎中郎中郎中郎中郎中郎中郎中郎中  
侍郎郎中郎中郎中郎中郎中郎中郎中郎中  
謂立者即謂此也史記索隱曰三郎謂中  
郎中滿六歲爵三級四歲散郎按孝惠  
林郎中郎省中郎也外郎散郎也是散

解題曰二世下詔令郡臣議尊始皇廟郡臣皆頓首  
言曰古者天子七廟諸侯五大夫三雖萬世不軼毀  
今始皇為極廟四海之內皆獻貢職增犧牲禮咸備  
毋以加封王廟或在西雍或在咸陽天子儀當獨奉  
酌祠始皇廟襄公已下軼毀所凡七廟羣臣以  
禮進祠以尊始皇廟為帝者祖廟

### 東行郡縣

解題曰按本紀二世與趙高謀曰朕年少初即位黔  
未集附先帝巡行郡縣以示疆成服海內晏然  
不巡行即見弱毋以臣畜天下二世東行春郡縣餘



見通鑑

更為法律

解題曰以秦法為踈更密之也

公主

解題曰如淳曰公羊傳曰天子嫁女於諸侯必使諸

侯同姓者主之故謂之公主

漢百官表皇后公主所

曰長公主諸侯女曰翁主

顏師古曰天子不親主婚

故謂之公主諸王即自士婚故謂之翁主翁者父也

言父主其婚也亦曰王

主言王自主其婚也

王自主其婚也

復作阿房宮

解題曰按本紀二世還至咸陽曰先帝為咸陽朝廷

小故營阿房宮為室堂未就會上崩罷其作者復止

鄴山鄴山事大畢今釋阿房宮弗就則是章先帝舉

事過也復作阿房宮外撫四夷如始皇計賈誼曰寒

者利短褐而飢者甘糟糠天下之蒼蒼新主之資也

鄉使一世任忠賢臣主一心而憂海內之患縞素而

正先帝之過裂地分民以封功臣之後建國立君以

禮天下虛囹圄而免刑戮除去收帑汙穢之罪使各

反其鄉里發倉廩散財幣以振孤獨窮困之士輕賦

少事以佐百姓之急約去省刑以持其後使天下之

人皆得自新雖有狡獪之民無離上之心矣二世不

行此術而重之以無道作阿房宮繁刑嚴誅賦歛無  
度天下多事吏弗能紀然後奸偽並起而上下相道  
自君卿以下至于衆庶人懷自危之心咸不安其位  
故易動也先王見始終之變知存亡之機是以牧民  
之道務在安之而已天下雖有逆行之臣必無響應  
之助矣

徵材士五萬人屯衛咸陽

解題曰屯衛有常數雖始皇之侈猶永至於五萬也  
秦之軍制內則有屯衛外則置材官於諸郡按刑法  
志漢興踵秦而置材官於郡國京師有南北軍之屯

然則材官即秦發

周勃沛人為材官司疆

南北軍之屯蓋因秦

之屯衛而更其志也

滅衛

解題曰衛姬姓自康叔受封

史記正義曰康畿內國名也宋忠云康叔從康

衛至君角凡四十世按前漢地理志衛地營室東壁

之分壘也今之東郡及衛郡黎陽河內之野王朝歌

皆衛分地也衛本國既為狄所滅文公徙封楚丘十

餘年子成公徙於帝丘今之濮陽是也成公後十餘

世為韓魏所侵盡正其旁邑獨有濮陽後秦滅濮陽

置東郡徙之於野王今懷州始皇既并天下獨置猶衛



君二世時乃廢為庶人凡九百年最後絕故獨為分野衛地有桑間濮上之阻男女亦亟聚會聲色生焉故俗稱鄭衛之音周末有子路夏育民人慕之故其俗剛武上氣力其失頗奢靡嫁取送死過度而野王好氣任俠有僕上風

秋七月發閭左戍戍卒陳勝起兵於蕪據陳自立為楚王諸郡縣皆殺其長吏以應楚

解題曰按晁錯盡秦時北攻胡貉築塞河上南攻楊粵置戍卒焉夫胡貉之地積陰之處也木皮三寸冰厚六尺食肉而飲酪其人密理鳥獸毳毛其性能寒

楊粵之地少陰多陽其人䟽理鳥獸希毛其性能暑秦之戍卒不能其水土戍者死於邊輸者償於道秦民見行如往棄市因以謫發之名曰謫戍先發吏有

謫反贅壻賈人後以嘗有市籍者又後以大父母父毋嘗有市籍者後入閭取其左

常有字籍者發又後以大父母父母嘗有市籍者戍者曹輩盡復入閭取其左發之未及取右而秦七師古曰閭里門也言居在里門之左者一切發之秦之發卒也有萬死之害而

七銖兩之報死事之後不得一筭之復天下明之禍烈及已也陳勝行戍至於大澤為天下先倡天下從

之勝少時嘗與人傭耕較耕之上帳然甚久曰苟富貴無相忘傭者笑而應曰岩為傭耕何富貴也

勝大息口燕省安  
知鴻鵠之志哉

二世召博士諸儒生問曰楚戍卒

攻蘄入陳於公何如

秦焚書坑儒之後大  
事博士猶與議也

博士諸生

三十餘人前曰人臣無將將即反罪死無赦願陛下  
急發擊之二世怒作色叔孫通前曰諸生言皆非也  
夫天下合為一家毀郡縣城鑠其兵以示天下不復  
用且明主在上其法令具於下使人人奉職四方輻  
輳安敢有反者此特羣盜鼠竊狗盜耳何足置之齒  
牙間郡守尉今捕論何足憂一世喜曰善盡問諸生  
諸生或言反或言盜於是二世令御史案諸生言文  
者下吏非所宜言諸言盜者皆罷之乃賜叔孫通帛

二十匹衣一襲

為博士餘見通鑑蘄屬泗水郡

前見

漢志陳潁川郡所治今為陳州宛丘縣

### 李由守滎陽

解題曰李由斯之子也三川郡治洛陽而由守滎陽

蓋控之要地鴻溝廣武敖倉索水皆封內也

### 張耳陳餘

解題曰張耳時及魏公子無忌為客官魏為外黃

令陳餘好儒術父事張耳高祖為布衣時嘗數從張  
耳游客數月陳涉入陳豪傑父老說涉曰將軍身率  
士卒以誅暴秦復立楚札稷功德宜為王且夫監臨



天下諸將不為王不可涉問此兩人兩人對曰今始  
陳而王之示天下私涉不聽陳餘乃復說陳王曰  
大王舉梁楚而西務在入關未及收河北也臣嘗游  
趙知其豪傑地形願請竒兵北略趙地陳王以所善  
故人武臣為將軍以張耳陳餘為左右校尉北略趙  
地從白馬渡河至諸縣說其豪傑曰秦為亂政虛刑  
以殘賊天下之數十年矣北有長城之役南有五嶺  
一戍顏師古曰嶺者西自衡山之南東窮于海一山  
之限耳而別標名則有五焉裴氏廣州記云大  
庾始安臨賀桂陽外內騷動百姓罷敝頭會箕歛度  
揭陽是為五嶺以供軍實財匱力盡重以竒法  
日吏到其家人人頭

使天下父子不相聊今陳王奮臂為天下倡不嚮  
縣應殺其令丞郡殺其守尉於此時而不成封侯之  
業者非人豪也豪傑皆然其言餘見通鑑  
楚周文將兵數十萬入函谷關軍於戲秦大赦使少府  
章即以為郡山徒擊之周文敗走出關軍曹陽

解題曰周文本紀作周章嘗為項燕軍視日事春申君陳

王與之將軍印西擊行收兵至關卒數十萬至戲軍

焉康孟曰戲水名也燕林曰在新豐東南三十里顏

師古曰其水本出藍田北界橫嶺至此而北流入

驪山今新豐縣東北十一里戲水當官道即其處  
戲許秦令少府章即免酈山徒人奴產子顏師古曰

今人云家  
生奴也  
悉發以擊楚周文敗走出閔止次曹陽晉灼曰曹陽亭名在弘農東魏武帝改曰好陽括地志云在陝州桃林縣餘見通鑑

### 武臣自立為趙王

解題曰張耳陳餘聞周章軍入閔至戲却又怨陳王不用其策不以為將而以為校尉乃說武臣自立

### 九月沛公劉邦起兵於沛

解題曰沛父老殺沛令開城門迎劉季欲以為沛令劉季曰天下方擾諸侯並起今置將不善一敗塗地吾非敢自愛恐能薄不能完父兄弟此大事願更

相推擇可者蕭曹等皆文吏自愛恐事不就後秦種

族其家盡讓劉季乃立季為沛公

漢書音義曰舊楚借稱正其絲宰為

公陳涉為楚王沛公起

旗幟皆赤

徐廣曰高祖

以蕭

何為丞督事

何給泗水卒史事第一秦御史監郡者欲入言徵何七固請得毋行然則秦監

御史亦如漢刺史

餘見通鑑沛者本秦泗水郡之屬

縣豐者沛之聚邑今為徐州沛縣

豐即豐縣也

### 一相人項梁起兵於吳

解題曰項梁嘗有櫟陽逮捕乃請蕪獄掾曹咎書抵

櫟陽獄掾司馬欣以故事得已

秦法雖竣然史之避

仇吳中每吳中有大繇役及喪項梁嘗為莊辦陰以



兵法勒部賓客及子弟以是知其能既斬會稽守部署吳中豪傑為校尉侯司馬有一人不得用自言於梁梁曰前時某喪使公主某事不能辦以此不任用公眾乃皆伏餘見通鑑下相屬漢臨淮郡

楚立周市為魏王市不受

解題曰按月表二世元年九月魏王咎始咎在陳不得歸國 年十二月陳涉死咎自陳歸立蓋周市據魏虛位四月以待咎也

番陽令吳芮闔越東越

解題曰按漢書本傳芮為秦之番陽令也甚得江湖門

民心狃曰番君天下之初叛秦也黥布歸芮芮妻之因率越人舉兵以應諸侯東越傳云諸侯叛秦闔越王無諸越東海王搖率越歸鄱陽令吳芮從諸侯滅

秦

龍川令趙佗據南海郡

解題曰按本傳佗真定人秦用為海龍川令南海尉任囂病且死召佗語曰聞陳勝禹可以

立國即被佗書行南海尉事囂死佗移檄告橫浦

陽山湟谿閔曰

徐廣曰在柱陽通四會也

盜兵且至急絕道聚兵

自守因稍以法誅秦所置長吏以其黨為假戰龍川

今循州龍川縣

秦二世皇帝二年從李斯請行督責

解題曰延平陳氏曰盜賊蜂起四方解而三公方

且為固爵祿之許大臣重爵祿天可亡也

趙李良弒其王來降

解題曰按張耳傳秦將詐稱二世遺李良書封曰

良嘗事我得顯幸良誠能反趙為秦赦良罪貴良然

則二世之近臣欲為諸侯用者多矣

楚莊賈弒陳勝

解題曰諸侯之起半歲矣至是周文敗陳勝吳廣武

臣皆死

陳勝以上月起兵十二月死

此秦勢振諸侯勢衰之時也

端

解題曰秦楚之際月表二世二年三年正月皆謂之

端月蓋避始皇嫌名改正為端也是後正月皆謂之

一月以漢末一統正朔未有所繫也

章邯圍魏王於臨濟

解題曰按魏月表是月章邯已破涉圍咎臨濟

史記正義

云今齊州縣

下邳

解題曰史記正義曰下邳泗水縣也應劭云邳在薛



從此故曰下邳按有上邳故曰下邳今屬兗州  
四月魏周市如齊楚請救

解題曰按月表臨濟急周市如濟楚請救

六月項梁立楚懷王孫心為楚懷王都盱台

解題曰項梁渡江軍淮北則楚之勢復張矣盱台今  
盱台軍

楚立韓公子成為韓王

解題曰子房所以始從景駒又曰沛公從項梁者凡  
以為此子以房高世之志豈崎嶇於兵間者哉  
魏正咎為其民約降定自燒殺

解題曰周市之義魏咎之死君臣皆可觀矣延平陳  
氏咎活其民而自死其死足取也

大霖

解題曰按月表天大雨三月不見星漢書本紀曰大  
霖雨七月至九月

楚項梁請齊共擊章即田榮不許

解題曰此項氏與田榮有隙之始也

用趙高計居禁中不見大臣

解題曰按本紀趙高說二世曰天子稱朕固不聞聲  
一世之可愚弄至此此沙丘之謀所以樂得其為善

君也

馮去疾李斯馮劫屬吏

解題曰李斯上書言趙高之短二世已前信趙高恐

李斯殺之乃私告趙高

二世恐李斯殺趙高漢申屠嘉悔不斬晁錯蓋秦漢之相

權重也

李斯既就獄仰入而歎曰凡古聖王飲食

有

節車噐有數宮室有度出令造事加費而無益於民  
利者禁故能長久治安今行逆於昆弟不顧其咎侵  
殺忠臣不思其殃大為宮室厚賦天下不愛其費三  
者已行天下不聽今反者已有天下之半矣而心尚  
未寤也而以趙高為佐吾必見寇至咸陽麋鹿游於



以趙高

丞相

解題曰高官者故以為  
殺博士正先

解題曰按漢書京房傳

於趙高用事有正先者

非刺高而死高威自此成故秦之

正先趣之孟康

曰姓正名先秦博士也今載於殺李斯之後

九月章邯大破楚軍定陶殺項梁

解題曰此秦再振諸侯再衰之時也本根既蹶雖形  
有起伏兵有利鈍亦何關於大勢哉史記正義云今

州定陶縣

大事記解題卷八

解題曰今徐州彭城縣

九九春秋再新書再錄之執少木財則編錄

解題曰文穎曰即閏九月也時律歷廢不知之

後九月顏師古曰文說非也若以律歷廢不知

則當徑謂之十月不應有後九月蓋秦之歷法應置

閏者總致之於歲末觀其此意當取左傳所謂歸餘

於終耳何以明之據漢書表及史記漢未改秦歷之

前迄至高后文帝屢書後九月是知故然非歷廢也

章即擊趙之圍趙王鉅鹿

解題曰按本紀章即使王離涉間鉅鹿章邯圍其

南築甬道而輸之粟應劭曰恐敵抄輜重故築塙垣街巷也史記正義云括地志云

鉅鹿邢州平鄉縣城餘見通鑑

宋義

解題曰按荀悅漢紀項梁輕秦故楚令尹宋義諫梁

不聽然則懷置宋義為元帥者非特喜其知兵亦以

楚之者舊大臣故尊任親倚之也史記漢書不載義嘗為楚令尹荀氏

所據必楚漢春秋諸書也

秦二世皇帝三年冬十二月項籍為諸侯上將軍

解題曰救趙諸侯也



趙陳餘亡居南皮

解題曰邯鄲圍解陳餘與張耳初相見即棄將印亡去當載於此月表所以八月書趙王歇留國陳餘亡居南皮將欲見二人俱不從楚入閔故并書耳非餘至八月始亡也南皮今滄州南皮縣

棘原

解題曰史記正義云張晏云在漳河晉灼云在鉅鹿南按南鉅鹿城在漳水之南

章邯請益兵趙高不許

解題曰趙高用事於中雖章邯力戰於外終不免為

降

詩曰

友

楚項籍大破章邯

解題曰所以趣其降地

趙高弑帝於望夷宮

解題曰按李斯傳本紀二世入上林弋獵

上林中二世自射殺之趙高教其女婿咸陽

不知何人賊殺人移上林高乃諫二世曰天子無故賊殺不辜人此王帝之禁也鬼神不享天且降殃

當遠避宮以之二世乃出居望夷宮趙高使其弟即中令趙成為內應將吏卒千餘人至望夷宮

殿門縛衛令僕射曰賊入此何不止衛令曰周廬設

卒甚謹漢百官表衛尉秦官掌官門衛屯兵屬官

舊儀云

廬者若今之伏宿屋矣漢官儀

掌殿司馬門夜宮中裴駟曰凡言司

馬門

門為司馬門即此門也

死者數千人即辨官者也後漢何進白太后請盡

二世自殺餘見通鑑

嬰度次得嗣官玉冠佩華紋車黃

小人乘非位莫不恍忽失守偷安

日月獨能長念却慮父子作權近取於戶牖之間竟

諸猶臣為君討賊高死之後婚未得盡相勞餐未

及下咽酒未及濡唇楚兵已屠闕中肯人翔霸上河

決不可復壅魚闌不可復全吾讀秦紀至于子嬰車

裂趙高未嘗不徒其決憐其志嬰死之義備矣

楚義帝元年冬十月劉邦至霸上秦王子嬰降

解題曰按本紀子嬰為秦王四十六日楚將沛公至

霸顏師古曰霸水上故曰霸上應劭曰霸上在長

使人納降子嬰子嬰即奉天子璽符節通興曰秦以

个通臣下用制乘輿六璽曰皇帝行璽皇帝之璽皇

大事記解題卷八

六



白日璽為螭虎鈕文曰受命子天既壽永昌史記田  
止義曰漢官儀云子嬰上始皇藍田玉璽因服御之  
代代傳授師云漢傳國璽說文云符漢制以竹長六  
十分而相合釋名云節毛上下相重取象竹節  
降軹道旁蕪林曰軹亭名在秦嬴姓帝顓頊之苗裔

栢翳即伯益之後周孝王封非子為附庸邑之秦周平

王封襄公為諸侯自襄公至子嬰凡三十四世按前

漢地志秦地之東井輿鬼之分壘也其界自弘農故

關以西京兆扶風馮翊北地上郡西河安定天水隴

西南有巴蜀廣漢犍為都西有金城武威張掖酒泉武

泉敦煌又西南有祥柯越嶲益州皆宜屬焉於禹貢

時跨雍梁二州詩風兼秦幽函兩國昔后稷封豳公劉

却文王作鄴武王作鎬其民有先王遺

風好稼穡務本業故幽詩言農桑衣食之本甚備有

鄴杜竹林南山檀柘彌稱陸海為九州膏腴始皇之

初鄭國穿渠引水溉田沃野千里民以富饒五方

雜厝風俗不純其世家則好禮文富人則商賈為利

豪傑則游俠通姦瀕南山近夏陽多阻險輕薄易為

盜賊常為天下劇天水隴西山多林木民以板為室

屋及安定北地上郡西河皆迫近戎狄修習戰備高

上氣力以射獵為先故秦詩曰在其板屋又曰王于

興師修我甲兵與子偕行及車麟四載小戎之篇皆

言車馬田狩之事民俗質木不耻寇盜巴蜀廣漢本  
南夷秦并以為郡地肥美有渠沃野山林竹木疏  
食果實之饒南賈樊僮西近印荻馬旄牛民  
魚凶年憂俗不愁苦而輕易漂泆柔弱阨秦地  
天下三分之一而人象不過三然量富居什六  
遂西入咸陽封府庫還軍霸

解題曰秦二世元年九月立為沛公收沛子弟二三  
千人攻胡陵方與還守豐二年十月秦四川監平將  
兵圍豐一日出與戰破之令雍齒守豐十一月殺泗  
川守壯拔薛十二月雍齒以豐降魏正月沛公見楚

王景駒請兵

碭拔

月擊豐不下聞

項梁兵眾往請擊豐

項梁益沛公卒攻豐拔之

雍齒奔魏六月沛公如薛共立楚懷王七月沛公從

項梁救田榮東阿章邯敗沛公項羽追北破秦軍濮

陽東屠城陽八月沛公與項羽西略地斬三川守李

由於雍兵九月沛公項羽方攻城留聞項梁死還軍

從懷王軍於碭後九月懷王以沛公為碭郡長封武

安侯遣沛公西入關自碭至陽城與杠里

陽城屬汝南郡攻

秦軍壁破其二軍三年十月沛公攻破東郡尉於成

武十二月沛公引兵至栗二月沛公從碭北攻昌邑



遇彭越越助攻昌邑未下過高陽用酈食其說襲陳

留拔之 月攻開封未拔與秦將楊熊伍被謂淮南王安曰大将

軍材能非直章即楊熊然則楊熊亦秦之將名與戰白馬破之四月南攻潁

川屠之因張良遂略韓地時趙別將司馬卬方欲渡

山 閔沛公乃北攻平陰絕河津南戰維陽東軍不

從轅轅壻曰險道名也在緱氏東南至陽城六月與陽守齧

戰犍東大破之南陽守走保城守宛沛公宛七月

南陽守降張良傳兵從沛公下韓十餘城擊破楊熊軍沛公

乃令韓上成留守陽沛公既定南陽至丹水還攻胡

陽韋昭曰南陽縣遇番君別將梅銷與偕攻析酈索隱曰析酈

南陽左傳云祈一名白羽抗今鄧內縣鄉酈金內鄉縣菊潭鎮皆降所過無得

鹵掠此高帝王業之始也范增曰遣魏人甯昌使秦

八月沛公攻武關入秦文應曰武關在析西百七十

里索隱曰左傳云楚司馬起營析以臨上雒謂晉人

日將通於少習杜預以為商縣武關也今屬商州商

縣秦相趙高恐乃殺二世使人來欲約分王關中沛

公不許九月秦王子嬰珠滅趙高遣將將兵距峽關

李哥曰在上洛北沛公引兵繞峽關踰費山擊秦軍

藍田南武關之西沛公引兵繞峽關踰費山擊秦軍

史記世家曰沛公欲以兵二萬人擊秦峽下軍良說

曰秦兵上未可輕臣聞其將屠者子賈豎易動以利

大事記解題卷八

十九

秦王恐降則漢人以為大功也 **大破之** 藍田南遂至藍田又戰其北

**秦兵大敗** 曹參世家曰前改秦軍藍田南又漢元年

冬十月沛公至霸上 在長安東 秦王子嬰降軹道旁

在長安東三十里 遂西入咸陽還軍霸上此高帝自楚沛至

關所歷也

項籍將諸侯兵四十餘萬

解題曰諸侯兵從項羽入關其可見者楚柱國共敖

趙相張耳趙將司馬卬齊將田都 都叛田榮 故齊王

建孫田安 安下濟比從 燕將臧荼 從楚救趙 瑕丘公

申陽番君吳芮魏王豹韓王成 月表書從 項若秦之

漢中東平關 **楚** 高帝 羽

之規摹也及彭城既敗 矣致堂胡氏曰

漢王置酒高會宴安不虞父執妻虜漢業之覆在頃

刻間使兢兢業業如初入關中見羽鴻門則亦何至

於敗哉狃於小勝逸欲生焉是以此可為監也

齊田橫定三齊

解題曰項羽之救彭城追漢王田橫亦得收齊

漢王下馬踞鞍問張良

解題曰按世家漢王乃遣隨何說九江王布而使人

連彭越及魏王豹反使韓信將兵擊之因舉燕伐齊



趙然卒破楚者此三人力也張良多嘗特將也  
常為畫策臣時時從漢王餘見通鑑

### 漢王屯滎陽

解題曰按本紀漢王屯滎陽蕭何發關中老弱未傅

者悉詣軍

孟康曰古者二十而傅三年耕有一年儲

傳之疇官各從文

而後役之如淳曰律年二十一

為罷除漢儀

年二十三為正一歲為衛

歲為材官騎二

射御弱馳戰陳又曰年五十六襄

老乃得免為庶

就田里今老弱未嘗傅者皆發之

未二十三為弱過

五十六為老師古

曰傅著也言著名

籍給公家徭役也

漢王會兵復大振

與楚戰滎陽京索間破之

項籍為天下主命徙義帝江南郡彬分楚為四自立為  
西楚霸王封楚將英布為九江王楚共敖為臨江王番  
君吳芮為衡山王分秦為四封沛公劉邦為漢王遷之  
漢中封秦降將章邯為雍王司馬欣為塞王董翳為翟  
王三分關中以距漢分為齊王田市為膠東王  
封齊將田都為齊王田安為濟北王分趙為二徙趙王  
趙歇為代王封趙相張耳為常山王分燕為二徙燕王  
韓廣為遼東王封燕將臧荼為燕王分魏為二徙魏王  
豹為西魏王封趙將司馬卬為殷王分韓為二韓王成  
如其故封楚將申陽為河南王

解題曰項羽王梁楚地九郡都彭城所謂梁楚地九郡者徙義帝於  
柳徙魏王於平陽而奪之也義帝稱楚故項羽稱西  
楚孟康曰舊名江陵為南楚吳為東楚彭城為西楚  
徙韓生之計殊不知天時不如地利也英布王九江  
利不如人和以羽之暴雖王閔中無益也  
都六諸侯傳項籍破秦軍降章邯等楚兵常勝功冠  
項籍之引兵西至新安又使布等先擊坑章邯秦卒  
一十餘萬人至咸陽不得入又使布等先擊坑章邯秦卒  
下軍遂得入至咸陽史記正義云九江以九江故因  
名郡六城在壽州安禮縣南本國偃姓臯陶之止後  
亦封也點布共敖王臨江都江陵為臨江國顏師古  
曰即今之荆吳芮王衡山都邾史記正義云括地志  
州江陵縣在黃州黃岡沛公王巴蜀漢中四十一縣  
云故邾城在黃州黃岡沛公王巴蜀漢中四十一縣  
縣東南春秋時邾國鄭縣鄭道元水經注云耆舊  
都南鄭今為興元府南鄭縣鄭道元水經注云耆舊

其民南奔故以南為稱即漢中郡也漢高祖時入秦  
項羽封為漢王蕭何曰天漢美名也遂都南鄭大城  
周四十二里城內有小城南憑北章邯王雍都廢立  
結環雉金墉溪并皆漢所修築周章邯王雍都廢立  
孟康曰縣名今里是常昭曰即周時司馬欣王塞  
大止懿王所都秦欲廢之更名廢工  
韋昭曰在長安東名桃林塞顏師古曰今齊  
曰取河華之因為完塞耳非桃林也  
翟文穎曰本上都秦所置項都高奴在廊州界今齊  
翟羽以董醫為日更名為翟都高奴在廊州界今齊  
王田市王膠東都即木田都王齊都臨菑田安王濟  
北都博陽趙王歇王代都代張耳王常山更名趙都  
襄國史記正義曰韓廣王遼東都無終臧荼王燕  
都薊魏王豹王西魏都平陽羽封諸侯欲有梁地乃  
司馬卬王殷都朝歌中地上義云以商帝盤唐國殷  
大事記解題卷八



縣即北家殿

去朝歌百

韓王成不徒封都陽翟

三十六里故號殿

按世家良引兵張從沛公下韓十餘城擊破楊熊軍

沛公乃令韓王成留守陽翟

入閼之時已

韓王成未為項羽略

得陽翟也

楚將申陽王河南都洛陽項羽自逐其

君而據其地亦令諸侯之臣逐其君而據其地主為

如此雖徵田榮陳餘亦豈得奠居乎彼章邯司馬欣

董翳膏秦子孫二十萬以求利父老方欲傳刃其腹

羽乃使之王閼中以距塞得人心之漢王何其遇也

沛公欲攻西楚蕭何諫乃止

解題曰項藉欲擊沛公項伯止之漢王欲攻項羽蕭

何止之世皆非項伯而是蕭何以羽之暴虐雖能除

沛公亦豈得免乎非羽存亡之所係也

罷戲下

解題曰史記索隱曰戲音義水名也按上文云項羽

入至戲西鴻門是羽初停軍於戲水之下後雖引兵

西屠咸陽亦還軍戲下今言諸侯罷戲下是名受封

邑號令訖自戲下各就國

趙佗自立為越王

解題曰按南越傳秦已破滅佗即擊并桂林象郡自

立為南越武王

漢以蕭何為丞相周苛為御史大夫

解題曰漢置丞相御史大夫官制悉因秦舊也高祖起為沛公蕭何為丞督事固已處副貳之任矣入關何獨先入收秦丞相御史律令圖書滅之其自處者固非群有司之職也業以周竒滎陽之節觀之斯甚所以為何之佐與

齊田榮弑膠東王市自立為齊王

解題曰榮所事也

遣張良歸韓

解題曰張良為韓王送沛公故漢王就國而歸韓

西楚霸王不遣韓王成就國廢為穰侯尋殺之張良復

歸漢

解題曰按漢書本紀良以明年冬十月至漢

西楚奪衡山王吳芮地

解題曰按本紀高帝詔故衡山王吳芮與子二人兄子一人從百粵之兵佐諸侯誅暴秦有大功諸侯立以為王項羽侵奪之地謂之番君今附見於西楚廢殺韓王成之後

漢王以韓信為大將

解題曰致堂胡氏曰智謀之士急於求用非如抱道懷德之君子舍之則藏也陳平所謂臣為事來言不



可過今日是也韓信才士爾稽留漢中見王未有以處之則思去而它適無足怪者蕭何既深知其人可以爭天下誠惜其去身自追亡非特為信乃為漢王也方是時王未竒信則罵何為詐亦理之常而或者之論乃謂漢王與何欲致信死固示不用之端激之使云又為所追求喜怒之態然後用信信必返而為漢效力是殆見漢王軒輊英布而生此論耳夫漢王恢廓大度何又稱人傑豈固為是區區小數以動一信哉漢王待布固不當爾然布既南面稱孤不如是不足以折其威而收其心信事項羽官不過郎中位不過執戟言不聽計不用而來非布比也或者謂信既為漢王蕭何所述作史者亦復不悟至編於伊川先生諸語中殆門人勦入之非先生語也臨川王氏曰韓信論楚漢形勢大抵漢能順民心而楚常失之則勝負存居然可見此信所以能佐高祖致天下也當楚漢之際策士至多然其智計不過規取一城一邑見小利而遺大畧信所論乃天下形勢而已唯大形勢為繫天下之勝負存亡取一城一邑見小利者何能致天下

留蕭何漢中

解題曰按世家漢引兵東定三秦何以丞相留收

巴蜀填撫諭告使給軍食歐陽文忠公許遜行狀曰興元府山河堰溉民田四

萬餘頃世傳蕭何所為鄼侯方佐漢取天下乃暇為此以溉其農

陳倉

解題曰今鳳翔府寶雞縣

遼東王韓廣不肯徙國燕王臧荼弑之

解題曰荼所事也

漢高皇帝二年西楚霸王二年冬十月漢王如陝

解題曰延平陳氏曰漢王如陝填撫關外父老其德

漸東矣

城陽

解題曰今濮州臨濮縣

二月西楚復立齊王田假為齊王

解題曰田榮所逐者也

漢置縣遼三老

解題曰按漢書本紀舉縣鄉八十以上有修行行師

眾為善置以為三老鄉一人擇鄉三老一人為縣三

老與縣令丞尉以事相教復勿繇戍以十月賜酒肉

老秦法也厚其恩禮而責以教化高祖蕭何之規

摹也



置河內郡

解題曰漢王降申陽而置河南郡降魏豹而得河東郡虜司馬卬而置河內郡三河之地皆為漢有矣故告諸侯之辭所以有悉發關中兵收三河入之語也

帝王皆都三河漢始因秦都關中故東方朔曰漢興去三河之地都涇渭之南

楚陳平降漢

解題曰司馬卬為漢將軍而項羽反遷怒擊卬有功之人其暗如西楚者見譴漢則無功而見知此二國興亡之兆也

漢王率五諸侯兵五十六萬人伐楚入彭城

解題曰漢元年夏四月漢王從杜南入蝕中

如淳曰蝕入漢

中通川張良送至褒中漢王至南鄭拜韓信為大將

軍五月漢王引兵從故道出襲雍雍王卬迎擊漢臣

倉雍兵敗還走戰好時又夫敗走廢丘圍之

按曹參傳參還

定三秦攻下辨故道雍聚擊章平軍於好時南破之圍好時取壞鄉擊三秦軍穰東反高櫟破之復圍章平手出好時走因擊趙賁內史保東軍被漢王東如咸

陽而遣諸將略地秋九月漢王遣兵出武關從南陽

迎太公呂后於沛項羽發兵距之不得前二年冬十

月漢王如陝河南王申陽韓王鄭昌降十一月漢王

還歸都櫟陽三月漢王自臨晉渡河魏王豹降下河

內虜殷王卬至修武陳平降南渡平陰津蘇材曰至在河陰

洛陽徙新城三老董公遮說為義帝發喪四月漢

王叔五諸侯兵顏師古曰謂帝山河南韓魏殷也五十六萬人東伐

楚到外黃彭越將五萬人歸漢漢王令定梁地遂入

彭城項羽自齊以精兵三萬人從魯出胡陵至蕭晨

擊漢軍大戰彭城靈璧東睢水上史記正義云睢水首受浚儀縣茭蕩

水東經取慮入泗過郡西行千二百六十里大破漢軍漢王以數十騎道

去過沛求室家不相得獨逢孝惠魯元載之大公呂

后間行反遇楚軍羽常置軍中以為質按年表高祖元年仲兵初起

付太公守豐然則高帝趙兵太公呂后皆留豐至是間行歸漢為楚所獲也此高帝西入

漢中東平關中西伐楚之所歷也此高帝初取項羽

之規摹也及彭城既敗之後規摹改矣致堂胡氏曰

漢王置酒高會宴安不虞父執妻虜漢業之覆在項

刻間使兢兢業業如初入關中見羽鴻門則亦何至

於敗哉狃於小勝逸欲生焉是以此可為監也

齊田橫定三齊

解題曰項羽之救彭城追漢王田橫亦得收齊

漢王下馬踞鞍問張良

解題曰按世家漢王乃遣隨何說九江王布而使人連彭越及魏王豹反使韓信將兵擊之因舉燕伐齊



趙然卒破楚者此三人力也張良多病未嘗持將也  
為常畫策臣時時從漢王餘見通鑑

### 漢王屯滎陽

解題曰按本紀漢王屯滎陽蕭何發關中老弱未傳

者悉詣軍

孟康曰古者二十而傳三年耕有一年儲  
故二十三而後役之如淳曰律年二十二

傳之疇官各從其父疇學之高不滿六赤二寸以下  
為罷降漢儀注云氏年二十三為正一歲為衛士一  
歲為材官騎士習射御騎馳戰陳又曰年五十六衰  
老乃得免為庶民就田里今老弱未長傳者皆發之  
未二十三為弱過五十六為老師古韓信亦收兵與  
曰傳著也言著著名籍給公孫後也

### 漢王會兵復大振

與楚戰滎陽南京索間破之

解題曰楚以故不能過滎陽而西京故城在鄭州滎

陽縣東史記正義曰京縣有大索城楚漢戰滎陽京

索間即此三城耳

### 漢作甬道取敖倉粟

解題曰秦建敖倉於成臯

太康地理志

敖地名在滎陽西

北山上臨河有大倉

孟康注

鄴食其曰敖倉天下轉輸

久矣聞其下乃有臧粟甚多滎陽城臯控南北之衝

故秦積粟於此通典曰巨橋盈而殷喪成臯溢而秦

亡

令太子守櫟陽諸侯子在關中者皆集櫟陽為衛

解題曰以太子監國以諸侯子為衛而丞相兼摠居留之任規摹如此誰謂蕭何為刀筆吏乎

雍王即自殺

解題曰周文數十萬之兵至戲下三二世倉皇失措非章邯則束手就亡矣所以猶能屈強兩歲皆邯力也高祖自漢中東出司馬欣董翳望風稽顙獨邯鄴守廢立攻之踰年不下至於引水灌之然後破此豈脆敵哉惜其不知所事身名俱滅嚴尤之於王莽徐道覆之於盧循皆一律也

漢置河上渭南中地隴西北地上郡

解題曰河上渭南塞國也

見地理志

中地北地隴西雍國

也

見地理志上郡翟國也

見地理志

漢修祀典

解題曰按漢本紀令祠官祀天地四方上帝山川以

時祀之

匈奴冒頓殺其父頭曼

解題曰按列傳冒頓侵燕代悉復收秦所使蒙恬所

奪匈奴地者與漢關故河南塞至朝那膚施

史記正義曰漢

朝那故城在原州百泉縣西土十里

屬安定郡膚施縣今延州膚施縣是

漢兵與項羽相距中國罷於兵革以故冒頓得自強



今附見於漢與項羽初相距於滎陽之年

漢高皇帝三年  
西楚霸王三年

井陘

解題曰史記索隱曰地理志云常山石邑縣井陘山在西穆天子傳云至于陘山之隧升子三道之登是也今為真定府井陘縣

楚范增辭歸道卒

解題曰漢上謂陳平曰天下紛紛何時定乎陳平曰項王為人恭敬愛人土之廉節好禮者多歸之至於行功爵邑重之士亦以此不附今大王慢而少禮士

廉節者不來然大王能饒人以爵邑士之頑鈍嗜利無恥者亦多歸漢誠各去其兩短襲其兩長天下指麾則定矣然大王資侮人不能得廉節之士顧楚有可亂者彼項王骨鯁之臣亞父鍾離昧龍且周殷之屬不過數人耳大王誠能出捐數萬斤金行及間問其君臣以疑其心餘見通鑑延平陳氏曰陳平更以惡具以進楚使歸具以報項王果大疑亞夫項王之使飲食之人也不然則陳平之間豈難見哉

漢丞相蕭何遣昆弟子孫從

解題曰按蕭相國世家漢三年漢王與項羽距京索

之間上敷使使勞苦丞相鮑生謂丞相曰王暴衣露  
蓋數使勞苦君者有疑君心也為君計莫若之遣君  
子孫昆弟能勝兵者悉詣軍所上必益信君於是何  
從其計漢王大說漢興與君臣之際於此可觀矣

五月漢留周苛紫陽遁入閔

解題曰按漢本紀紀信誑楚乘王車黃屋左纛

李斐曰天

子車以黃繒為蓋裏纛毛羽幢也在乘輿車衡左方  
上注云蒼鬣曰以犁牛尾為之如斗或在駢頭或在  
衡此戰國以來王者之制也太史公高帝贊曰朝以  
十月車服黃屋左纛言遂為漢定制也

餘見通鑑

秋七月臨江王共敖薨子尉嗣

解題曰月表尉作

九月西楚霸王擊彭城

解題曰按本傳項羽擊陳留外黃不下數日降羽悉  
令男子年十五以上詣城東欲阮之外黃令舍人兒  
年十三往說羽曰彭越疆劫外黃外黃恐故且降待  
大王大王至又皆阮之百姓豈有所歸心哉從此以  
東梁地十餘城皆恐莫肯下矣羽然其言乃赦外黃  
當阮者而東至睢陽聞之皆爭下

漢高皇帝四年  
西楚霸王四年

高密

大事記解題卷八



解題曰今密州高密縣

汜水

解題曰顏師古曰臣瓚以汜水在成臯成東此說得之音祀高帝即位於汜水之陽此水在濟陰音敷劔反

漢王復取成臯與西楚霸王皆軍廣武

解題曰按本紀楚漢久相持未決丁壯苦軍旅老弱罷轉輸餘見通鑑孟康曰於滎陽築兩城而相對名為廣武城在敖食西 皇山上 地志云東廣武西廣武在鄭州滎陽縣西二十里西征記云東廣武西

廣武各在一山頭相去百步汁水從廣澗中東南流

今澗無水城各有三面 見史記正義

澼水

解題曰顏師古曰澼水出琅邪北經縣東北經臺昌入海史記正義曰括地志云澼水今俗謂百尺水在密州高密縣即漢韓信夾澼水戰處

田橫奄彭越

解題曰田橫亡走梁歸彭越彭越是時居梁地中立且為漢且為楚

漢初為筭賦

解題曰如淳曰漢儀注民年十五以上至五十六出賦錢人百二十為一筭為治庫兵車馬

北貉燕人致梟騎助漢

解題曰顏師古曰貉在東北方三韓之屬皆貉類也軍士死者吏為棺斂

解題曰高帝八年復下是令

漢以周昌為御史大夫

解題曰代其從兄苛也昌為人疆力敢直言自蕭曹等皆卑下之

西楚與漢約中分天下以鴻溝為界

解題曰史記正義曰應劭云在滎陽東南二十

穎曰於滎陽下引河東南為鴻溝以通宋鄭

衛與濟汝淮泗會於楚即今官渡水也張

梁

城在浚儀縣西北渠水東經此城南又北屈分為二渠其一渠東南流始皇鑿引河水以灌大梁謂之鴻溝楚漢會此處也其一渠東經陽武縣南為官渡水按張華此說是

西楚歸太公呂后

解題曰事在通鑑延平陳氏曰待其少助食盡然後遣侯得其時矣



盡財其相也

補國曰車五並繼以平朝力曰其其少胡會盡然為

西其朝大必已試而漢

游乘車此端是日將在東北方三三之有行狀也

其其美會此也其一番東路胡先繼南為官其水

其其一乘東南而流故皇鑿石河水以盡大界隨之無

其五其東南西北乘水東路此湖南又此風台為二

其與齊其其既會其其明今官其水西乘言自乘

其曰其乘則下何何東南其其其以直乘其

大事記解題卷第八



